

23 K. Elvöl. 1932

مزیت کتبخانه سی

عدد

۹

K
Es. No. : 1936 : 2023
Ranz : A.C. - 190

واضع قانونلرک خطاری

مترجمی :

باب عالی حقوق مشاور معاو نلرندن

محمد منیر

مؤلفی :

انکلیز مشاهیر حکما سندن

هه ربه رت سپه نسر

صاحب و ناشری : محمد علی

A. C.

190

حاصلاتنک یوزده یکر میسی دارالشفقه یه عاندر.

رنجی طبع

حقوقی محفوظ و مطبوعی محدوددر.

مرکز توزیی : استانبولده وفا جاده سنده مزیت کتبخانه سیدر.

[مرتبین عثمانیه] مطبعه سی : ابوالسعود جاده سی نومرو ۶۸

۱۳۲۸

زمان کتبخانه سی



مریت کتابخانه سی

عدد

۹

واضع قانون لک خطاری

مؤلفی :

اکایز مشامیر حکما سندن

هه ره زت سه نسر

مترجمی :

باب عالی حقوق مشاوره معاون لرندن

B. M. M.	
KUTUPHANESİ	
No. :	1936 1884
niz :	A.C. 190

صاحب و ناشری : محمد علی

حاصلاتنک یوزده یکر میسی دار الشفقه هه عاندر.

زنجی طبع

حقوقی محفوظ و مطبوعی محدوددر.



مرکز توزیعی : استانبولده وفا جاده سنده مریت کتابخانه سیدر.

[مرتین عثمانیه] مطبعه سی : ابوالسعود جاده سی نومرو ۶۸

۱۳۲۷






« واضع قانونلرك خطالری » دیه ترجمه ایتدیكمز رساله
هر بهرت سپه نسه رك ۱۸۸۴ سنه سی خلالنده (قونته مپوره زی
ره ویو) ده نشر ایدوب بالا آخره « حکومتیه قارشی فرد
The Man versus the State » عنوانی آلتنده جمع ایتدیکی درت
مبحثك اوچنجهیسی در . هنوز حال طفولیتده بولنان حیات
مشروطیتمز ایچول اصول مشورته، اك اختیار بر قومك ممتاز
متفكر لرینك مطالعاتی قیمتدار اولدیغنه و آنلرك پارلامنتو
عناصر مرکبه سی و مقرراتی ایله قوانینك صورت وضعی
و موضوعاتی حتمنده کی تنقیداتی باشقه قوملر ایچون شایان
مطالعه ایسه بزم ایچون واجب التبع بولندیغنه قائم .

حریت فردیه نك تأسسی یالکز استبداد سراینك
یقلمسی و آنك یرینه مجلس عمومی یا پلسیله میسر اوله ماز .

استبداد، امتی حاکم منفردک، هر بری بر قانون دیمک
اولان ارادات لاحتصاصنه اسیر ایدر.

مشورت ایسه حرکات افرادی کزیده بر شتورانک ینه
برقانون دیمک اولان اراداتنه تابع قیلار. فقط افکار و آرای
صائبه اصحابندن تشکل ایتدیکی فرض اولنان مجلسک
مقرراتنده نفس الامر و نواامیس طبیعیه جماعته مغایرت آز
اولمق ایجاب ایدر.

قانون، بشریت ایچون بر قید ضروریدر و ضروری
اولدینی ایچوندرك حد ضرورت تجاوز ایدلمهك، ماهیت
ضرورت ایجه تقدیر و ادراک ایدلمک الزمدر. بونک اهمالی
نقصه دار، ماهیت اشیایه ضد، لزومسز و فطرت بشرله
غیر قابل تألیف محصولات تشریعیه وجود بولمسنه سبب اولورکه
بونلرك نه کی نتایج تولید ایتدیکنی مؤلف آئیده کی صحیفه لرده
ایضاح ایدیور.





بنی آدمک کناه ایله مجبول ومعصیت ایچنده مجبول اولدینی کرک
واقع وکرک غیر واقع اولسون حکومتک تجاوزدن متولد وتجاوز ایله
حاصل اولدیغنده شبهه یوقدر . عصرلرجه مسالت ایچنده یاشامش
ابتدائی کوچک جمعیتلرده حکومت تسمیه ایتدیکمز شینه بکزر برشی
کورلر : بوجعیاتده هیچ بر قوه اجباریه (coercive agency)
موجود اولیوب اولسه اولسه فخری برجامت رئیسکی مشهود اولور .
تجاوزکار اولدقلری کبی اسباب خصوصیه دن ناشی کندیلرینه دخی تجاوز
واقع اولیان بو جماعتلرده طوغریلق ، ناموس وعدالت فضائلندن
اوقدر آز انحراف واقع اولورکه بر صورت غیر رسمیه ده انعقادیدن
اختیار مجلسلرینک آره صره افکار وتقذیرات عمومیه یه ترجان
اولملرندن باشقه بر شینه احتیاج قالماز . بالعکس اولا محاربه زماننده
موقتاً قوماندان طاننان بر رئیسک حکم ونفوذی حربک دوامی ایله
صورت قطعیه ده تأسس ایتدیکنه وموفقیته وقوع بولان تجاوزات
قبائل متجاوزده نک مغلوبیت واسارتی ایله نتیجه تور ایسه اول حکم
ونفوذک توسع وتقرر ایلدیکنه برچوق دلائل بولیورز . دیگر طرفدن
بتون اقوامک عرض ایتدیکی امثال ، سلطان - وشرق قدیمده تصادف
ایلدیکی وجهله - سلطان السلاطین عنواتی آلان شیخ القبیله نک قوه
تحکیمه واجباریه سی فتوحاتک عادت حالنه کیرمی وربه اسارت آلتیه
آلان اقوامک تزايدی نسبتنده آرتدیغنی ، مثبتدر . مقایسه احوال
جامات بزه هروقت خاطر مزده طوتمق ایجاب ایدن دیگر بر حقیقت

دها كشف ايتديرييوركه بوده جمعيتك ايچنده كي قوه حاكمه وسائقه نك
تجاوزكارلنى جمعيتك خارجه قارشى تجاوزكارلنى نسبتده تزايد
ايلسيدر. كوزل براردو تشكيل ايتك ايچون مختلف رتبه لرده بولان
عسكرلرك آمرلرينه مطيع اولملرى اقتضا ايتديكى كچي ابي بر جمعيت
محاربه وجوده كيتيرمك ايچونده افرادك قوه حاكمه وسائقه
اطاعتكار اولسى لاددر. چونكه لزومى اولدينى قدرعسكر ومهمات
حريه ويره جك اولان بو افراددر.

بيان اولنان مقدمه دن حكومتك بدايت امرده آداب حربك عني اولان
اصول و آداب نك برچوق و قتلر آداب حرب به شباهتى محافظه ايتديكى وتوغلات
وتداركات حربيه نك آزالمى نسبتده آداب مذكوره دن انحراف ومباعدت
ايلديكى استتاج اولتور. فى الحقيقه بوكا برچوق دلائل واردر : اليوم
آوروپاده اهالى وطن خدمت عسكريه دعوت ايدملدكلرى زمان
حائز حریت اولوب حياتك اقسام متباقیه سنده تشكيلات ومؤسسات
عسكريه ملازمت ايله مقيد بولنورلر. بزه بيله مهم برحرب وقوع
بولسه جبراً عسكر آلمق لزومى برچوق افرادك تعطيل حریتنه
وديكورلرينك دخى ویركو شكندنه مصارف ومهمات حربيه نك ايفاسنه
يعنى برچوق كونلر حكومت حسابنه چالشمغه اجبارى صورتيه
سربستيلرينك اخلاصه سبب اولور. حكومتلرك افراد ايله مناسبتلرنده
تابع اولدقلرى قواعد و طرز حرکت آنلرك يكديكريه مناسباتك
متبوع الهى اولان قواعد مشابه ومائل اولقى ضروريدر.

بوراده، حكايه سى تاريخك بيوك برقسمنى طولديران تجاوزومقابله
بالتجاوزلردن بحث ايتيه جكم كچي خارجى ظلم وتعديه دائماً ترافق
ايدن ظلم داخلی دن ده بحث ايليه جكم. واسع مقبره سنك طاشلرى
برچوق سنه لر قيراج آتنده چالیشان اون بيكلرجه اسرآنك قانلى

ترلری ایچنده وضع ونقل ایدیلن قرال (قوفو) [*] دن باشلیه رق مصری، آتوزی، ایرانی ما کدونیاالی رومالی وسائر فاتحله قدر کیدن وعالم مدینتی پای قهری آلتنده چیکنه مک حرصیله ایکی ملیون حیاتی فدا ایدن ناپولیونله نهایتلنن غیر مسئول واضع قانونلرك دفتر جرائنی تنظیم نیتده اولمديغیم کبی صنوف حا که منفعتنه موضوع قوانینک مدید سلسله سنده مسئول قانون واضعلرینک مشهود اولان خطیاتی صایق ارزوسنده دخی دکلم ؛ اویله برسلسله که سنوی قرق بیک زنجینک کیمیره طولدیریلوب تعذیب ایدلمسسه و یوزده برچوق قسمنک اولدیرلمسسه سنه لرحه مساعده ایدن اسرای زنجیه تجارتی واسارت قانونلرینه قدر کیدر و (سورته رسکن مهی) ک توصیفی وجهله، اراضی بدل اجاره سنی تزید ایتک ایچون خلک آچ قالمسنی مساعده ایدن حبوبات قانونلری ایله نهایتلنور.

واقعا کرک مسئول و کرک غیر مسئول قانون واضعلرینک یابدقاری آچیق فالقلرك تعداد و تصویریه ده فائده دن خالی دکلدیر ؛ و بردانه سی یوقاریده ذکر اولنان حقیقته راجع اولق اوزره محسنات عدیده بی استلزام ایدر . بوقیل بر تصویر اردونک علی العاده سفر بر بر جمعیت و جمعیت دخی مطیع براردو اولدینی ازمئه قدیمه آداب عسکریه ایله آداب حکومت آره سنده کی عینیتک بر چوق زمانلر امتداد و شمدی بیله اصول محاکماتمه و حیات روزمره مزه کلی بر صورتده تأثیر ایتدیکنی مرتبه ثبوته ایصال ایلر . بالفرض برچوق قبائل وحشیده رئیس قبیله نک صلاحیت قضائیه سی مفقود ویا لفظی اولدینی ؛

[*] هرودوتك (كه ثوبس) ، دیودوروسك (كه مېس) وئەراتوستنك (ساتوفیس) نامیله ذکر ایتدیکی و بیوک اهرامک بانیسی اولان مصر حکمداری. دردنجی ساله نک ایکنجی فرعونیدر.

آورو با مدنیتنک علی العموم صفحات ابتدائیه سنده هرکس کنیدی بالذات مدافعه ایتکه وکندینه قارشو وقوع بولان حقمنزلقلری کوچی یتدیکی قدر کنیدی جبر وتصحیح ایتکه مجبور بولندینی ؛ ازمنه متوسطه صنف عسکری به منسوب افراد آره سنده حرب خصوصینک منع ایدلسی قوماندان حسم نزاع کیفیتک کندینه عاٹد بروظیفه اولدینی ظننه دوشمسندن دکل بلکه بوقیل مجادلات ومحاربات فردیه حرب عمومی هنکامنده اردونک کسر قوتنه بادی اولمسنندن نشئت ایتدیکی ؛ والحاصل ادوار متعاقبه ده احقاق حق کیفیتینه اوصاف وخواص ابتدائیه سنی عرض ایتکه ده اولوب من الجمله قرال ویا قرالک مرخصی حکم اولق اوزره حضورنده جدال و دوئللو ایله فصل نزاع ایدلدیکی وبوانکلترده طرز حسم دعوانک برشکلی اولق اوزره ۱۸۱۹ سنه سنه قدر تمادی ایتدیکی ایضاح ایدلدکن صکره شمدی بیله حرب وجدال ایله حسم نزاعک باشقه برشکل آلتنده یعنی مشاوره حقوقیه ودعوا وکیللری مبارز وپاره کیسه لری ده سلاح اولق اوزره دوام ایتدیکی اثبات اولنه ییلور . مواد حقوقیه ده قوه اداره وحا که خسار دیده اولانلرک ضررلرینی تعمیر خصوصنه اسکیسنندن فرقلی برتقید واهمیت کوسترمیوب آنک مأمور مرخصی قواعد جدالک محافظه سنه نظارتدن باشقه برشی یامیمور . نتیجه ایسه بر مسئله عدالت اولمقدن زیاده قدرت نقدیه ومهارت قانونیه قضیه سنه منجر اولیور . دهاسی وار : قوه اداره توزیع عدالت قارشو اوقدر لاقید بولنیور وآنک مرخصی حضورنده جریان ایدن مناقشه قانونیه طرفین مبارزینی نقداً اول قدر دوچار تزلزل ایدیور که بی مجال قالیورلر ؛ وبونلردن بری طرفندن وقوع بولان استیناف دعوی نقض قراری انتاج ایدر سه غائب ایدن مبارز حاکمک ویا آنک سلفنک

خطیئاتی اوده مکّه مجبور اولیور وعلی الا کثر اصل ضرر دیده اولوب
حمایه ایدلک وحققی تلافی ایلمک ایچون مراجعت ایدن طرف محکمه دن
نقداً اولمش اوله رق چیقور.

حکومتک اجرا ویا اهل صورتیه وقوعه کتوردیکی شو فناقلر
لایقیله تصویر ایدلسه حال حربدن متولد واکا خاص اولان اصول
وقوعه ادک قسماً تمادی ایدن بقایاسی اجرا آت حکومتی الان افساد
وتلویت ایتدیکي اکلاشیلهرق حکومتک مداخله سی دائره سنی توسیع
ایتمک فکرنده بولنانلرک امید وخیال لرینی بر آز تعدیل ایده جکلری ظن
اولنور. مزمن و مدید بر عسکر لیکک حاصل ایتدیکي بیه وتشکل سیاسی
ابتدائی نیک الان مشهود اولان علائمه برابر آنک قواعد ابتدائیه سنک ده
تمادی مشهودی ملاحظه ایدیلیرسه اصلاحچرور و محب نوع بشر
اولانلر حکومتک هر شیئه نفوذ ایدن تأثیرینک منفعت بخشا اوله جفی
حقنده عجولانه حکم ویرمکده ده آز حرارتلی و حکومتله مناسبتی
اولیان مؤثراته اعتماد ده مائل اولسه لر کر کدر.

بو بحثک عنوانی آلتیه کیرن مسئله نیک بیوک بر قسمی ترک
ایدرک بوراده نسبه کچوک اولان قسمی یعنی واضع قانونلرک
احتراسات شخصیه ویاخود فرقه منفعتدن دکل بلکه حائز اولمغه
اخلاقاً مجبور اولدقلری تحصیل و تبعلک فقدانندن منبعث اولان خطالری
بیان ایده جکز.

اوجاع حقنده آلدینی ایضاحاته نظراً صانجی اولدینی ظننه دوشن
ونفقط حقیقت حالده راحتسزلنی ذیل دودی التهابندن عبارت اولان
برخسته یه شدتلی و مخرش بر مسهل ویره رک اولدیرن اجزاجی قالفه سی
قتل آدم جرمیه محکوم اولیور. بو آدمک فالتق فکریله دکل بالعکس
ایلمک مقصدیه حرکت ایلدیکنی بالیان اعتذار و مسئله نیک بر تشخیض

خطاسندن عبارت اولدینی یولنده مدافعه ایتمی مقبول اولیور . معلوماتك اوقدر غیر کافی بولدینی بر ایشه قاریشهرق بویله نتایج خیمه‌یی کوزه آلدیرمغه حق اولدینی سویلنیور وجهالتك نه قدر عظیم اولدینی بیلمه‌سی محکمه‌جه مسموع اولیور . مهارت و معلوماتی اولانلرك وبطریق الاولویه معلوماتسزلرك تشخیص امراض وخسته لقلره تطبیق ایدیله جك تداییلر حقنده یا کلدقلمی هرکسك معلومی اولان برکیفیت اولدینی مفروض اولمغله تجربه عمومی و عقل سلیمدن قابل استخراج بولان بویله برتنبیه عدم رعایتندن طولای افعالك نتایجندن مسئول اولیور .

واضع قانونلرك ارتکاب ایتدکلمی خطیأندن طولای مسئولیتلری پك مسامحه کارانه اولچیورز . وضع ایتدکلمی قانونلره وقوعه کتیردکلمی فلاکتلر آنلر ایچون مستلزم جزا اولق شویله طورسون بر چوق احوالده دوچار توییح اولملرینه بیله قائل اولیورز . عقل سلیم اجزاجی قالفه‌سنه معلومات لازمه اکتساب ایتامش اولسی اعتباریله عدم مداخله لزومی اوکره تهجکی قبول ایدلدیکی حالده عین عقل سلیم قانون واضعلرینه معلومات مقتضیه صاحبی اولنجیه قدر بیلمدکلمی ایشه قارشاملری اوکرتمک ایجاب ایتدیکی خاطره کتیرلیور . واضع قانونك اوکنده یا کلش معامله ایله نه قدر عظیم فسادلر ایدلمش اولدینی اوکرتمک لازم کلن کرک بزم مملکتتمزك وکرک بمالك سائره‌ك برچوق قوانین و نظاماتی طوررکن وقوفسزجه مداخله‌دن توقی‌یی کوسترن بوتنبیهاته عدم رعایتدن طولای معاتب اولیور . بالعکس مکتبدن یکی چیقمش یاخود مالک اولدینی برسوری آو کوپکی قصبه‌سنده سبب شهرتی اولمش ویا اکتساب ثروت ایتدیکی برولایتدن یاخود آووقات اولق اوزره نام قزاندینی محکمه سالونلرندن

چیقمش آدملر ایچون پارلامنتویه داخل اولوق وآن دخوللرندن اعتباراً کمال خفت ولاییدی ایله هیئت سیاسیەنک بعض اجرا آتی تسهیل وبعضیلرینی تصعیب ایتمک موجب شرف عد اولنیور. بو آدمک نه قدر آز علمی اولدیغنی بیله بیلمدیکنی بیان ایله معذور کوسترمکه امکان اولنیور. چونکه خلق دخی بوذات ایله برابر، تکلیف وتذکر اولنان مواد حقنده مناقشاتک طبیعتیه ویره جکی معلوماتدن فضله علمک بی لزوم اولدیغنه قانع بولنیور.

مع هذا جهلهنک یادیغنی قانونلردن متولد فناقلر جاهل اطبانک تداولرندن متحصل فناقلره نسبةً نه درجه عظیم اولدیغنی تاریخ قوانینه بردفعه کوز کزدیرنلره آشکار اولور. بوراده بر قاچ معلوم امثله ایراد ایتمک ایچون قارندن مساعده ایستهیه جکم: حکومت آدملرینک عصردن عصره مراجعیه قارشی وضع ایتمکده دوام ایتمکلی نظامات مدیونک حائی بدتر ایتدی واون بشنجی لونی زماننده اولدیغنی کبی فائضک مقداری بشدن درده ایندیرلمک امنیه سیله آلتیه چیقاردی. فضله سرمایه یی فائده دار بر صورتده استعمالدن منع ایتمک وکوچک اصحاب املاکی بر چوق رسوم وقیود دائمه آلتنده ازمک کبی خاطر وخیاله کلدک بر چوق فناقلر چیقدی. کذلک انکلترده احتکاری منع ایتمک ایچون بش عصر دوام ایدن و(آرتوریونع)ک شهادت ایتدیکی وجهله فرانسه ده دخی مهرانکی بر شخصی بازارده ایکی کیله دن زیاده بغدادی آلمقدن منع ایدن تشبثات غلای فیأندن متولد سفالت ووفیاتی تزئید ایتمکده دوام ایتدی. زیرا هرکسک بیلدیکی وجهله طویدن صاتان آدمک-که (پیستو ریبوس)ک قانوننه کوره فقرانک ظالم علنیه کی تقییح ایدیلیدی)-وظیفه سی علی العاده یولسز وسریع استهلاکاته مانع اوله رق بر مالک

مقدار موجودینی تعدیل ایتمکدر . ۱۳۱۵ تاریخنده قحط و غلالتن شدتی تخفیف ایچون ما کولاتک فیأتی تعیین ایدن و تجارت بازارلرندن بعض اشیانک تماماً غیوبته سبیت و یردیکی کوریلیر کورینز فسح و لغو ایدیلن تداییر نظامیه دخی بوقیلدن ایدی . کذا ما کولات تاجرلرینه قرار حاکم ایله « تمتع معقول » تعیننه دأر اولوب ایجه مدت حکمفرما اولان نظاماتده بوقیلدنر . کذا اوچنچی ادوارد زماننده عمله نظامنامه سیله باشلا یوب التمش سنه اولنه قدر دوام ایدن و عمله یومیه سی تعیننه متفرع بولنان نظاماتک روح و مقصدی دخی یوقاریده بیان اولنانلر کبی اولوب عین نتایج و خیمه یه سبب اولمشدر . والحاصل « سیتلفدس » ده مدت مدیده منقرض برصنعتی و سفیل برخلقی پرورده ایتدکدن صکره لوردلر و عوام قماره سی ایپک منسوجات عامللرینک قزانجیلرینی ، قرار حکام ایله تعیین ایتمکدن فراغت ایتمشلردر .

بوراده قارئمک صبرسنزقله سوزمی کسمک ایستدیکنی حس ایدیورم : « بونلرک هپسینی بیلورز ، حکایه اسکیمشدردر . صنایعه مداخله نک محاذیری قولاقلمزده او قدر یر ایتمشدرکه هیچ کیمسه نک بو خصوصده یکی درس آلمغه احتیاجی یوقدر . » بو کافارشی برنجی جوابم شودرکه خلقلک بر بیوک اکثریتی بودرسی هیچ بروقت ای اوکرناماش و اوکره نلردن چوغی ده اونو تمشدر . نته کیم خصوصات مذکوره ایچون قدیمآ سرد ایدیلان مدافعات ینه درمیان ایدیلور . ریتفا بالئی پیاسه سنی تنزیل ایتمک مقصدینه معطوف اولدینی حالده فیثاتک یوکسلمسینی ایجاب ایتدیکندن درحال فسح ایدلش اولان اوچنچی ادواردک اتوزبش عددلی نظامنامه سنده چارشی یه کلان خلقلک بازارلق ایدره ک هر بری کرک معذبلك کرک حسد سه قله متقابلاً فیثاتی آرتیردقلرندن

وبالفرض برینک قرق شیلین ویردیکنه دیکری اون و اوچنجیسی قرق شیلین ده اضم ایدهرک یکدیگریله مسابقه ایتدکلرندن شکایت ایدیلیور. بوراده مشتکاعنه اولوب معذبلك ايله حسده حمل ایدیلن چارشی بازارلنی ینه دوچار اتهام اولیور. رقابتک فناقلری سوسیالیستلره دائماً سرمایه شکوی اولمش وده موقراتیک اتحاد مجلسی Democratic Federation امر مبادله نك حرص و تمتع فردی تفتیش و مراقبه سی آلتنده تمادیسنی تقییح ایتشدرد. ایکنجی جوابم دخی عرض و طلب قانونه قارشی بر بطن اول عموماً فنا اولمق اوزره طانمش اولان مداخه نك الحاله هده پارلامنتو مقرراتیله یکی بر طاقم زمینلرده هر کون اجرا ایدلیدیکی سویلکدر وشمدی اثبات و ارانه ایده جکم وجهله بوزمینده تدائی ایدلمک لازم کلن مرضلر تزید و امراض جدیده احداث ایدیلیور؛ نصلکه اولجه ارتق بوکون مداخه دن فراغت ایدیلن خصوصاتده یاپیشدی.

صدده دوام ايله آلف البیان پارلامنتو مقرراتی قارئه جاهل واضع قانونلرك ماضیده فلاکت بشریه نی تخفیف مقصدیله متماداً تشدید ایتدکلرینی کوسترمک ایچون ذکر اولسدیغنی بیان ویا لکز قوه اشریه نك تشدید ایتدیکی ویا یکیدن وجوده کتیردیکی ثابت اولان بو فناقلر اون ویا دهها زیاده بر عدده ضرب ایدیلرسه علوم اجتماعیه ايله منور الفکر اولمیانلرك وضع ایتدکلری قانونلردن متولد فلاکتلر حقنده بر فکر حاصل ایدیله بیله جکنی علاوه ایلرم. ۱۸۷۳ سنه نی مایسنده ایستاتستیک جمعیتده او قونان برکاغده ده «قانون جمعیتی Law Society» رئیس وکیلی (مستر جنسون) مرتون قانونندن اعتباراً ۱۸۷۲ سنه سی او اخیینه قدر ۱۸۱۱۰ مقررات عمومیه اصدار اولمش و بونک درت خسی نقض و فسخ ایدلمش اولدیغنی افاده ایدیور.

ایدی. ینه مشارالیه ۱۸۷۰، ۷۱، ۷۲ سنه‌لری ظرفنده تماماً ویا قسماً
 نقض یا خود تعدیل ایدلمش اولان مقررات عمومیه‌نک مقداری
 ۳۵۳۲ یه بالغ اولدیغی و بونک ۲۷۵۹ ی تماماً فسخ ایدلدیکنی بیان
 ایتشدی. شوفسخ اولنان مقرراتک نسبتی الان تئمدی ایدوب ایتدیکنی
 مراق ایده رک هر ییل نشر اولنان «The Public General Statutes»
 نظامات عمومی جلدلرینک صوک اوچ اجتماعه عائد بولسان قسمنه
 مراجعت ایتدم. برچوق دوچار تعدیل اولان مقرراتدن قطعاً للظنر
 شمیدی حکمدارک دوره حکومتده وضع اولنان نظامات و مقرراتدن
 ۶۵۰ سی صوک اوچ اجتماع ظرفنده مجتمعاً و یا منفرداً فسخ اولندی
 نتیجه‌سنه واصل اولدم؛ بونده اسکی نظاماتک فسخ اولنانلری داخل
 دکلدر. بوعدد، صوک زمانلرده مجموعه نظامات اییدن خیفیلندیرلمکه
 باشلانیدی ایچون حد وسطینک فوقنده اولدیغنده شبه یوقدر. فقط
 بتون احتمالات داخل حساب اولیدی حالده زمانلرده فسخ اولنان
 نظاماتک عددی بیکره واریور. بونلردن بر قسمی اسکی قانونلر
 تشکیل ایتدیکی کبی دیگرلرینک فسخنه تبدل احوال سبب اولیدی
 (یا لکز چوغسک یقین زمانلرده نشر ایدلمسی نظر اعتباره آلنورسه
 تبدل احوالک پکده جدی بر سبب تشکیل ایتدیکی اکلاشیلور)
 ودها بر قسمی ساقط العمل اولمقدن و متباقیسی ایسنه بر قاج نظامی
 بر نظامده طویلامقدن منبعت بولندی شبه‌سزدر. انجق بواحوالدن پک
 چوغنده یکانه سبب فسخ، مقرراتک مضر اولسندن عبارت اولیدی
 بدیهیدر. شو تبدلاتدن پک اهمیتسزجه بحث ایدیور و مفسوخ
 قانونلره قارشى پک لاقید طور ییورز: بونلرک قبل الفسخ آز چوق
 مهم فناقلر تولید ایتمش، بعضیلرینک بر قاج سنه دیگرلرینک اونلرجه
 و بر قسمنکده یوزلرجه‌سنه اجرای تخریبات ایتمش اولدیغی اونوتیورز.

فنا بر قانون حقنده کی مبهم فکرکزی خلقک جاننه تأثیرایدن بر مفهوم قطعی به تحویل ایدرسه کز بونک نه قدر چوق مشقت، نه قدر چوق خستهلق نه قدر چوق وفيات تولید ایدن بر شی دیمک اولدیغنی کوررسکز. موقع اجرایه وضع اولنان ویاخود تطبیقنه مسامحه ایدیلان نقیصه دار بر اصول محاکمه دعوی صاحبلیغی مصارفه، تأخراته وهزیمته دوچار ایدر، حق ودعوالرینک سبب سقوطی اولور. بوندن نه چیقار، بیلیرمیسکز؟ علی الاکثر کوچ حال ایله تداؤک ایدلمش اولان پاره نك ضیاعی؛ بیوک واوزون بر اوزتی واکثریا بونلردن متولد خستهلق؛ عائله واقربانک فلاکتی؛ مقدار کافی لباس وغدادن محروم چوجقلم؛ الحاصل برطاقم فلاکتلرکه ده بر چوق فلاکت آتییه تولید ایدر. بونلره دعوايه کیریشمکه واسطه سی ویا جسارتی اولمیان وبنابرین دوچار اولدیغنی دام تزویرات وتجاوزاته قاتلانمغه مجبور اوله رق فقیر دوشن بر چوق اصحاب دعوايی ده علاوه ایتیمسنی اونوتما ملیدرکه بونلرده فلاکتلرینک ایجاب ایتدیکی مادی ومعنوی مزاحمه انقیاده مجبور قالمشلردر. بر قانونک مضر دکل بلکه خلقه انکل اولسی بیله بی لزوم ضیاع وقتی؛ بیسود مشاقی وزائد اوزونتیلری انتاج ایدر. مشغول وچوق ایشلی آدملر ایچون فضله بر اوزوتی ومشقت ایسه طوغریدن طوغری به ویاخود بالواسطه بتون آلام مترافقه سیله برابر اختلال صحت دیمکدر. آرتق فنا قانونلرك حیات افراده نه وجهله خساربخش اولدیغنی کوره رك پارلامنتونک مفسوخ اولان بیکلرجه مقرر اتسندن متولد مادی ومعنوی آلام وتلفاتک یکون عمومیسنی نه اوله جغتی سز حساب ایدیکز! معلومات کافیه سی اولمقسزین قانون یاپمه نك نه قدر بیوک محاذیری اولدیغنی حقنده کی حقیقی لایقوله تصویر وتفهم ایچون بوکونه عائد بر مسئله نك خاطره کتیردیکی بر وقعه خصوصیه یی ذکر ایده جکم.

عرض ایله طلب آره‌سنده کی ارتباطه وقوع بولان مداخلاتک برچوق عصرلر بعض زمینلرده خسارات کایه‌یی داعی اولدقدن صکره ترک ایدلدیکنی فقط بوکون بشقه زمینلرده وقوعه کلیمکده اولدیغنی یوقاریده سوباش ایدم. عرض ایله طلب آره‌سنده کی رابطه‌یه انسانلرک اطمینانی اوقدر ضعیف که بوکا عدم رعایتک یا لکزمخاذیر تولیدایتدیکی بالتجربه ثابت اولان یرلرده اینانیلوب دیکرلرنده اینانیلمیور، وارتباط موجود دهل کبی کوزوکن محللرده سبیت و مسبیت طبعیه‌نک (natural causation) بعض موانع صنعیه ایله سکتهدار اولمش اولسی خاطره بیله کتیرلیور. حال بوکه فی الحال بیان صدندنه بولندیغم نقرا اولری مسئله‌سنده قوانینک برچوق زمانلر نه کبی تأثیرات اجرا ایتمش اولدیغنی تأمل ایتک شکایت ایدیلن فناقلرک چوغنه قانونلرک سبیت ویردیکنی آکلامق ایچون کفایت ایدر.

ربطن اول عمله مسکنلرینک فنانی وعدم کفایه‌سی موضوع بحث و مناقشه اولدیغنی صرمده بن‌ده بومسئله ایله توغل ایتشمدم. اووقت یازیلان برفقره‌یی ذکر ایدیورم :

« برعمار مفتش انشآت نظامنک نتایج و تأثیراتی بروجه آتی توصیف ایلور : لوندره‌نک ، یکی انشاء ابنیه قانوننک اصلاح ایتک عزمنده اولدیغنی درمه چاتمه یاپلش فقرا مسکنلری بولندیغنی اقسام ونواحیسنده یکی نظام وضع اولنمازدن اول اوجوز اولر انشاء ایتدیرمش اولان اصحاب سرمایه مقدار کافی استفاده تأمین ایدن متوسط برکرا آلیورلر. ایشته بومتوسط کرا اونواحیده عینی ایشه یارایان یعنی عین عددده اوطه‌سی بولسان. یکی اولرک بدل ایجاریغیده تعیین ایدیور. چونکه بو اولرده اوطوره‌جق آدملر دمیرلرله تحکیم ایدلش دیوارلر ایچنده یا تمه‌نک بخش ایده‌جکی فضله امنیتی تقدیر ایتزلر .

شمدی بالتجربه تحقق ایدیورکه نظام اخیر موجبجه بنا وتقرر ایدن بدل ایله ایجار ایدلمش اولر مقدار کافی تمتع براقیور. نتیجه اعتباریله اصحاب سرمایه دها کبار طرفلرده اولر یایمغه - که بوکبار محلاتنده یایله جق اولرک اولدن موجود اولرله کارلی بر رقابت ایده ییلمسی احتمالی اواسکی اولرک متانت ومحکمیت کافیه یی حائز اولدقلریخی اثبات ایدیور. ومحاذیرحمیه بولنیان جهتلر مستثنا اولمق اوزره ارتق عمله مسکنلری انشا ایتمه مکهمجبور اولیور. حال بوکه بوصره ده یوقاریده ذکر ایتدیگمز فقیر نواحیده خلق صیقیشیور: براوده الی عائله، براوده یکریمی. کشنی ساکن اولیور. نتیجه یالکزیبوندنده عبارت دکل. فقرا مساکنک بویله سفیل وخراب برحاله کیرمنسه یکانه سبب رقابت ایده جک یکی اولرک فقدانی در. کراجیلرینک دها راحت باشقه بریر بولوب چیقملری. قابل اولمدیغنی کورن او صاحبلی فضلہ کار ایتک ایچون تعمیراته هیچ حاجت اولمدیغنی ده کوره رک تعمیردن واز کچورلر. حاصل کلام. بوکون امور حمیه یی قاریشدرانلرک قانون ایله مداواته سی ایتدکلی فلاكترلرک یوزده بیوک برقسیمی عین مکتبه منسوب عقلای قدیمه نک اختراع کرده سی در».

بوفنالقلرک قانونی المنشای سبیلری یالکزی بونلردن عبارت اولیوب آتیده کی فقره ده کوسترلیدیکی وجهله دیگر برطاقلری دها واردر:

«معمار نامنده کی غزته طوغله رسمی فسخ اولنمزدن اول نشر ایتدیکی بربنده دیورکه: هفته ده ایکی بجق ویا اوچ شیلین کترین برمسکن قیمتک ربغی آنک انشاسنده قوللانیلان اودون وطوغله رسومی تشکیل ایدیور. مال صاحبی ده بالطبع برشی قزانه جفندن مصارف ومکلفیاتی قپایه ییلمک ایچون هفته ده یدی بجق ویا طقوز شیلین ایستیه جکدر. عمله مسکنلرینک اصلاحی ضمننده متشکل

جمعیت کاتبی مستر غاتلیف پنجره ویرکیسنک نتایجی حکایه ایتدیکی
صرهده : « شمدی سنت باتقراسدهکی مؤسسه ایچون یالکیز
پنجره ویرکیسی اولهرق ایفا ایدیلان یوز التمش ایکی لیرا اون
الشیلین بتون مصارف سنویهنک یوزده برینی تشکیل ایدیور .
جمعیتک مستأجرلری طرفندن اودهن ایجار وسطی ایسه هفتده
بش شیلین الی پنا اولوب پنجره ویرکیسی بونک ۷۱ پناسی تشکیل
ایدیور . » تائمس ۳۱ کانون ثانی سنه ۱۸۵۰

او وقت مطبوعاتنک عرض ایتدیکی شهادات یالکیز بوندن عبارت
دکدر ۷ کانون اول سنه ۱۸۵۰ تاریخده تائمسده انتشار ایدوب
اصلاحات قلوبندن ورود ایدن وبرمعمار امضاسی حاوی بولنان
مکتوب آتیدهکی فقرهلری احتوا ایدیور :

« دونکی نسخه کرده لورد (کین نیرد) ایکی اوجاوی برلشدره رک
نمونهک اولر بنا ایدلسنی توصیه ایدیوردی . لورد حضرتلریله لورد
حضرتلرینک خطاب ایتدیکی لورد آشلهی جنابلرینه اخطار ایتهمه
مساعده بیورلسونکه :

اولا، پنجره ویرکیسی لغو ایدیلورسه ؛
ثانیاً، بوله دیوارلریله خارجی دیوارلرک حریقندن مصون بر
صورتده انشاسی حقندهکی احکامی ابقا ایدلک شرطیله انشای مساکن
نظامی لغو اوانورسه ؛

ثالثاً، کراسته رسمی تعدیل ایدیلور ویا بستیون قالدیریلورسه ؛
رابعاً، فراغ اموالی تسهیل ایدیجی برنظام نشر اوانورسه ؛
نمونهک کمیلر، نمونهک پاموق فابریقهلری ویاخود نمونهک بخار
ماکنهلری انشا و اعمال ایتکه نهوجهله لزوم یوق ایسه نمونهک
مساکن انشاسنده اولیلهجه حاجت قالمز .

تعداد اولنان احوالدن برنجیسی مسکن مسکینک پنجره لری نی
یدی یه ایندیرر .

ایکنجیسی یکر می بش ایله اون سکز قدم اوزرنده انشایی
ضروری قیلارکه بو برافندینک علی العاده یمک صالونی جسامتی
دیمکدر . صکره بومساحه داخلنه دیوارلر وبولمه لرده داخل اولدینی
حالده معمار برمردیون، برمدخل، برصالون وبرمطبخ صیقشدیرمق
مجبوریتنده بولنور .

اوچنجیسی مسکن فقیرک امور انشائیه یه غیر صالح کراسته دن
اعمالی ایجاب ایلر؛ چونکه ای (بالطی) کراسته لرك تابع اولدینی
رسم فنالرینک (قنادا) تابع اولدینی رسمدن اون بش قات فضلهدر.
نته کیم حکومت دخی عقد ایتدیکی مقالات انشائیه دا ئما بوقادا
کراسته سنک عدم استعالی شرطی درج ایلر .

دردنجیسی فقرا مسکنلرینک شمدیکی حال سفیلانه نی اصلاحه
مدار اولور . چونکه او وقت کوچک املاک خاصه (freeholds)
اجاره لی املاک (leasehold) کبی قولایلقله فراغ اولنور . اجاره لی
زمین اوزرینه انشا ایدلمک خصوصی علی الاکثر فنا اولر یا پلسنه
سبب اولمشدر .

یا کلش بر حکمه یا خود مبالغه یه قاپش اولماق ایچون قرق
سنه لک تجربه صاحبی ومتعهد لکده بولنش بر معماره مراجعت احتیاطی
اهال ایتدم . بو آدمک بعض مجالسه انتسابی اعتباریله امور انشائیه یه
دائر عمیق معلوماتنه احوال عمومیه حقنده دخی بیوک بر وقوف
انضمام ایدیوردی . مستر فوره ست - مشار الیه ک اسمیدر - یوقاریده
ذکر اولنان خصوصاتی یالکیز براستنا ایله تصدیق وتأیید ایدیور؛
دیورکه : « صاحب مکتوب دردنجی درجه ده کی اولرک تعریفندن

متولد فنالنی حقیقت حالک دوننده کوستریور، زیرا مساحه آنک بیان ایتدیکندن چوق آزرر (بلکه دهایی بر نظامنامه احکامنه توفیقاً سوبلیور). مستر فورهست دهاییلری کیده رک اجاره زمینده دردنجی درجهده بر او ایچون الشمس سنه ظرفنده برلیرادن سکز لیرا اون شیلینه ترفی ایجاب ایدن ترقینک فنا نتیجه لرینه اسباب سائرده منضم اولغله عمله ایچون انشاسنی تصور ایتدیکی مساکنی یاقمدن صرف نظر ایتدیکنی وکذا بوفناقلرک قانونک وجوده کتیردیکی وقف وامانت اصولندن منبعث مشکلات فراغیه طولایسیله تزايد ایتمنده صاحب مقاله ایله متفق اولدقدن بشقه مکلفیات بلدیده کوچک او یاپدیره جقلرک دوچار اولدقلری ایکنجی جریمهی تشکیل ایتدیکنی بیان ایدیور. مشار الیهک ذکر ایتدیکی مثاللردن بری، مقداری اولک جبهه سنک طولنه کوره حساب ایدیلان وبنابرین کوچک اولرک قیمتته بیوکلردن پک چوق تأثیر ایدن قالدیرم، یول ولیم مصرفلرینک یکی اولرک مصارف انشاییه سنه انضمام الیسیدر.

قانونک وجوده کتیردیکی وبر بطن اول پک چوق اولدینی حالده برطرفدن تزايد ایتکده دوام ایتش فناقلردن ینه قانونک اخیراً ایجاد ایتدیکی فناقلره نقل کلام ایدم. فقرا محلاتنده دردنجی صنف اولرک تزايدینه قارشى ایقاع اولئان موانع ایله بدتر ایدیلان سفالت، امراض، وفیات وموجود اولرده حددن زیاده نفوسک اسکانی آرتق صوک درجهیه بالغ اولغله بونسالک اوکنی آلمق ایچون حکومتیه مراجعت ایدلدی. حکومت ایسه اشبو مراجعتیه مأمورین محللیه فنا اولرک هدمنه صلاحیت بخش وایی اولر انشاسی چاره سنه باققی امر ایدن عمله مسکنلری نظامنامه سیله مقابله ایتدی. بوندن نه نتیجه حاصل اولدینقی بیلورمیسکز؟ مرکز حکومت اشغال قلمی معاملاتنک

۲۱ کانون اول سنه ۱۸۸۳ تاریخنده نشرایتدیکی خلاصه یه کوره تابع تکلیف اولانلرک حسابنه بر وبر بحق ملیون مصرفه مقابل اداره مذکوره یکر می بر بیک کشتی یی اولرندن چیقارمش، بوندن اون ایکی بیکنه او یاپش وبالاخره چاره سنه باقلمق اوزره دخی متباقی ۹۰۰۰ کشتی یی اوسز بر اقمشدر. یالکز بوقدر دکل، حکومتک بر دیگر وکیل مشخصی اولان مجاری بلده قومیسونی قوه محرکه قانونیه ایله عین زمینده چالیشه رق (غولدن مهین) و (په تی قوت سقووه بر) ده ۱۷۳۴ فقیره مأوی تشکیل ایدن بر چوق محکوم، سفیل، کوچک اولری یی قمش وبش سنه اول بو صورتله آچیلان محللردن بری طرف حکومتدن شمندوفر استاسیونی اولوق اوزره ساتیلمش و دیگر لرنده ایسه مطرود ساکنلرینک انحق نصفی احاطه ایده بیله جک درجه ده اولر یالاق اوزره بولنمشدر. شمدی یه قدر حاصل اولان نتیجه ایسه بش سنه اول اوسز بر اقیلان بو ۱۷۳۴ شخص اشغال قلمنک اوسز بر اقدقلرینه ضم اولنورسه جبراً اوسز بر اقیلانلرک مجموعی ۱۱۰۰۰ کشتی یه بالغ اولمسندن عبارتدر. بو بیچاره لر سکنه سنه کفایت ایتیمان سفلی بر طاقم بوجا قلمه صیقیشمشر دیمک اوله حق. قوانینک نه ایشلر یابدینی کوریلور می؟ فنا طرح اولنش ویرکیلر ایله طوغله وکراسته نك فیئاتی یوکسلدلسی اولرک بهاسنک آتمه سنه وتصرف خاطری ایچون غیر کافی مقدارده وقنا مواد اصلیه نك قوللانلسنه سبب اولمشدر. بونک محصولی اولان سفلی مسکنلرک وجوده کلسنی منع ایچونده قرون وسطی اصولی وجهله مواد مستحصله نك جنس و کیفیتنی تقید و تعیین ایدیجی نظامات وضع اولنش، ائی جنس و بنا برین مالیتی یوکسک بر مال استحصالنی مجبوری قیلمق طلبک مقدارینی تحدید و آتیاده عرضی تنقیص ایده جکی دوشونیلمه مشدر. نظامات رسوم منضمه بلدی و محلیه ایله کوچک اولرک انشاسنی بر درجه

دها منع ایتشدر . حاصلی نظامات متوالیه ایله اولافنا اولر وجوده کتیرلرکدن وبالاخره دها ایسیرینکده مقداری تنقیص اولنشدقن صکره صنعی وجبری برصورتده چوغالتلمش اولان اوسز فقرانک چاره سنه کندیلرینی فی الحال کوچلکله استیماب ایدن اوساحه سنی تنقیص ایتک صورتیه باقلمش اولیور ! شمعی لوندره نک منتهای شرقده مشهود اولان سفالتلرک مسبی کیم اولیورولوندره مطرودینک آجی فریاد تظلمی کیمه توجیه ایدلک ایجاب ایدیور ؟

آلمانیاالی علم البشر علماسندن (باستیان) ، کینه یرلیسندن شفایاب اولماق صورتیه تی یالانجی چیقاران خسته اخاق ایدیلور دییور . بزده پک مصیب اوله رق کینه اها لیسندن صنمک نفوذ و قدرتی حقنده اظهار اشتباهه جرأت ایدن بر کیمسه بطریق الاولویه اعدام اولنیویره جکنی قیاس و تخمین ایده بیلیرز . نفوذ حکومت قوتلی وقهار برطاقم احکام جزائییه ایله مؤید بولندیغی زمانلر صنم سیاسی ایچون مخالف حرمت برشی سویلکده دخی بوقیل برتلمکه واردی . مع مافییه بوکونده حکومتک قادر کل شی اولدینی مسئله سنی درپیش انتقادایدن کسه نک منتظر اوله بیله جکی اک قورقوج جزا (راق یایسین laissez faire) مذهبندن باحث برمرتجع کبی دوچار تعیب اولمسیدر . مع مافییه بویه برذاتک سرد ایده جکی امثال ودلائل حکومت حقنده متأسس اعتقاد واطمینانی تقلیل ویا رخنه دار ایدر ظن ایدلسون . چونکه بو اعتقادک ، علمینده کی بالعموم دلائله قارشی غیر قابل تزلزل اولدیغی کل یوم کورییورز . هیچ اهمیت ویرلیان بو بیوک مجموعه دلائلدن کوچک برقسمنی تدقیق ایده لم .

« بردارته حکومت ترسه چویرلمش سوزکچ کیدر . اوکا تمیز و صافی اوله رق براقدیفنکر حسابات بولانیق وچامورلی چیقار . »

حسب المصالح دوائر حكومتله بيوك مناسبات و تجارتي سبق ايتمش اولان (سورچارلس فوقس) ك برچوق سنه لر اول بويله ديديكنى ايشتمشدم. هر نه قدر بو آدمك تشبينده براز غرابت وارسه ده رأى و مطالعه سنده هيچ بر سقامت اولمدينى عامه جه مسلمدر. مطبوعاتده كى نشریات و پارلامنتوده كى تنقيدات و مناقشات هيچ كيمسه ني معاملات رسميه ده كى انفسا داتدن بي خبر بر اقامشدر. اشبو معاملات هر وقت شكایت ايديلان و (مستر فوقس مول) زماننده اردوده كى ضابطانك فرمانلرينك همان ايكي سنه كرى قالمسنى ايجاب ايدن تشوشات و تأخرات، ۱۸۸۱ تحریر نفوسنك ايلك جلدی تحقیقاتك جمعندن ايكي سنه دن زياده بر وقتك مرورندن صكره انتشار ايتسيلاه اخيراً دخى تجلی ايتمشدر. بوكي تأخراتك اسبابى تحقيق ايدجك اولورسه ق منشأ يكانه اولق اوزره وجودينه كوچ احتمال و يريلير بر قاريشقلىق حكومفرما اولديغنى كوريرز. تحریر نفوس معاملاتى حقنده سجل مدير عموميسى ديوركه: «مشكلات يالكرز داخل حساب ايديله جك محلاتك چوقلغندن دكل بلكه حدودلر ك ايجندن چيقلماز قاريشقلىغندن ايلرو كايور:» نواحى، (hundreds)، محلات (parishes)، قصبات (boroughs) قطعات بلديه (wards) صلح حاكملىكى، شهر و قير صحيه سى، وكايسا دائره قضائى لرى، الخ، كبي يكرمى ايكي مختلف جنسندن و بكديكرى ساحه سنه متجاوز ۳۹۰۰۰ تقسيمات اداريه واردر. بوندن صكره پارلامنتو اعضاسنندن (مستر راتبون) كده بيان ايلديكى وجهله متقاطع الحدود و بربرى اوزرينه موضوع اولان بوتقسيماتدن بهرينك آيرى آيرى هيئت اداره لرى واردر. بونلر كده وظيفه و صلاحيتلرى يكديكرينه تداخل ايدر. عجبا قارلر مزدن برى پارلامنتوده هر يكي اداره ايجون نه دن طولايى يكي برطاقم تقسيمات

احداث ایدلديكنی صورارمی ؟ بویله بر سؤال وارد اولورسه جواب اوله رق مقصدك اطراد اصولی محافظه اولدیغنی سویلرلر . اشبو متشكل ومتقرر عدم انتظام پارلامنتونك بیوك بریغین تشکیل ایدن مقررات قدیمه سنه احکامی برچوق نظاماتی نقض و تغییر ایدن یوزلرجه یکی مقررات ده ا علاوه صورتیله تزید اولنمش مشوشیته تماماً تقابل ایدر . معمول به قانونك نه ونه دن عبارت اولدیغنی حل و كشف ایتدیرمك كلفتی افراده متوجهدر . بونلر ایسه حکامه قانونی تفسیر ایتدیرنجهیه قدر مال ومنالی توکیتیرلر . اشبو اداری شبکه لری یکدیگر یله متعارض ومتداخل وظیفه و صلاحیتلریله برابر دیگر اداری شبکه لر اوزرینه قویمق اصولی ، کنسیدنك نه کی احکام و شرائطه تابع بولسیدیغنی اکلامق ایچون ۱۸۷۲ سنه سی صحت عمومی نظامنی اوقویان آدمك تواریک مختلفه ده نشر اولنمش ۲۶ نظامات سابقهیه مراجعت ایتسنی اقتضا ایدن اصوله تماماً مطابقدر . عطالت اداریه دخی بویله در . رسمیتك ترقیاته مخالفتی مؤید احوال داتما مشهوددر . نته کیم بحریه نظارتنده الکتریک تلغرافنك استعمال و قبولی تکلیف ایدلده « بزم پك کوزل برتعاطی » اشارات (semaphore) سیستمز وارددر ، دینلمشدی . کذلک پوسته اداره سی (سور چارلس سی مه نس) ك برچوق سنه لر مقدم حکایه ایتدیکی وجهله مخبرات تلغرافیه خصوصنده اصلاح ایدلش اصوللرك اتخاذینه ممانعت ایتمش و اووقتدن بری تلفون استعمالنی اشکال ایلشدر . عمله اولری مسئله سنه مشابه دیگر مسائل اول و آخر حکومتك برالیله تقلیل ایتمك ایستدیکی فالق لری دیگر الیه نصل چوغالتمش اولدیغنی کوسترر . بالفرض برطرفدن حریق سیغورطه لری ایچون ویرکو وضع ایدر ، دیگر طرفدن اطفای حریق تسهیل ایدیجی تدابیر ونظامات وضع ایلر . کذلک طرز انشا ایچون

برقاج اصول توصیه ایدرکه بونلر (قابتن شا) نك اثبات ایتدیكى وجهله مخاطرات منضمه یی داعیدر . سرت اولق لازم كلن یرده مساعده کار و مساح اولق ایجاب ایدن یرده سرت اولان تعامل رسمی نك مالاییناتی بعضاً موجب عار اوله جق درجده ظاهر در . نته کم حکومت عائد بر وثیقه خفیه بك آزمعاشلی وبلکه ده موقتاً مستخدم برکاتبك الینه ویریلرک اشاعه ایدلسی و (مورسوم) ماهتابنك صورت اعمالی الك بیوک طوبجی ضابطلر مزدن بیله کیزلندیكى حالده نهایت الامر بزم ضابطلر بونی هر نصلسه مطلع اولملرینه میدان ویرلش اولان روسیه لیلردن اوکرملری، كذلك انکلیز واجبی زرهلیرینك بیوک مرملر مزله دلینه بیله جکی مسافه یی کوسترن پلان ماهر بر اجنبی مأموری طرفندن حکومت ارسال ایدلیدیكى و صکره سر بتون اوروپا حکومتیجه معلوم اولدینی حالده انکلیز ضابطلرینك الان یخبر قالملی بوقیلدندر . حکومتك تفتیش و مراقبه سنده دخی حال بومرکزده در . تفتیش ایله برمالک جنس و کیفیتنی تکفل ایتک بیسود اولدینی حکومتك کوش معمولاتی تمغالامسی ایله ثبوت بولمشدر . چونکه بواصول کوش صنعتی تدنی به دوچار ایتش و مستحصل ایچون اوست طرفه کچلمک هیچ بر فائده یی موجب اولمیان برحد و معیار تعینی معمولاتنك جنس و نفاستنی بوزمشدر : نته کم (قورق) یاغلرینك الك نفیس جنسلری نفاستلری ایله متناسب کار براقه مسی و کذا شمدی اختیاری اولدینی اوزره، رینغه بالغی نشانلیرق جنسلره تفریق ایتک اصولی ای مال یتشدیرن محدود کمسه لرك انجق مساعده رسمیه درجه سنه بالغ مال وجوده کترین اکثریت ایله مساوی طوتلسنی ایجاب و بنا برین اوته کیلرک انکسار شوقی انتاج ایتسی میدانده در . فقط نه فائده ! بودرسلر اوکر نیلمدن

كچور. مراقبه حكومتك بوشلنى اك اشكار اولان يرلرده بيله نظر
 اعتباره آلمديغنه ايچنده اهالى طولو اولدينى حالده (نهى) كوپريسندن
 كچركن محو اولان تره ن فاجعه سى شاهدر. او وقت مهندس ومتعهد
 بيكلرجه طعن وشكايته معروض قالدقلى حالده كوپرى يى طرف
 حكومتدن تقبل ايدن مأمور حقنده پك آزشى سويلندى ويا برشى
 دنيلمدى. منع امراض خصوصى ده بويله در. حكومت مأمورلرينك
 اداره وياسيبيله اك فنا ايشلر وقوعه كلسه ده اهميتى يوق. آققرينتون
 سفينه سنده ۸۷ عسكر عائله وچو ققلىرينك محو اولمى واديمبورغده
 طرف حكومتدن تنظيم اولنان اصول تقسيم مجارى حماي تيفوئيدى
 وقوش پلازينك سبب انتشارى اولمى ورسمأ وضع اولنان نظامات
 صحيه دائما قبا تطبيق ايديلهرك تنقيصنه موضوع بولندقلى فلاكتلىرى
 تشديد ايتلىرى بوقيلدندر. عجا بتون شوامثال تقديشات صحيه حقنده كى
 امنيت واعتماده هيچ برتزلزل ايراث ايدييورمى ؟ بالعكس ، بالعموم
 مكاتبك مأمورين صحيه نظارت وتفتيشى آلتنه النمى حقنده اخيراً
 اظهار ايديلان آرزوى عمومى اعتماد مذكورك هروقتدن زياده قوتلى
 بولنديغنه دلالت ايدييور. اوت ! شكابت ايدن فلاكتلرك مسببى
 آچيقدن آخيفه حكومت اولدينى حالده ينه حكومتك وساطت
 جانجشاسى حقنده امنيت بركال. بر بطن اول مجارينك انهاره منصب
 اولمى حقنده شهرلره مأذونيت ، دها طوغريسي بواصولك تطبيق
 ايچون امر ويريلهرك منابع مياهي افساد ايدليكى حالده صولرينك
 تميز اولدينى حقنده قومپانيالره قارشى آوازه شكايات رفع ايدلمش
 وشهرلر بيوك مصرفلره طرز تقسيم مجارى يى تغير ايتدكدن صكره
 بيله شكابتك آرقه سى كسيلمه مشدر. شمدى ايسه دواى يكانه اولق
 اوزره حكومتك، مأمورين محليه سى واسطه سيله بتون ايشى كندى

اوزرینه آلمسی طلب اولنیور. عمله مسکنلری مسئله سنده اولدینی کبی حکومتک افعال سیئته سی خلقی دها زیاده فنالق یاپلمسی استرحام وتمنییه سوق ایتمی جدأ غریبدر.

شوقانون پرستلک یوقاریده ضمنأ تشبیه ایتدیکم بتپرستلکه نسبة دها آز قابل تأویل ومدافعهدر. وحشی طاپندیغی صنمک هیچ برشی دیمیهرك سکوت ایتدیکنی وبنابرین اقتدارسزغنی اعتراف ایلدیکنی بیان ایله مدافعه ایده بیلور. حال بوکه مدنی کندی اللریله یاپدیغی بوبتک حائز اولمادیغنی تصدیق واعتراف ایلدیکی قدرت وصلاحیاتی اکاعطف واسناد ایتمکده اصراروتعند ایلر. مقصدم یالکز ، مناقشات روزمره تدابیرقانونیهك ایلک یرینه فنالق یاپدیغی هرکون کوسترمکده اولدیغنی یاخود پارلامنتونك مقررات متقدمه سی فسخ ایدن بیکلرجه مقررات جدیده ضمنأ اوقدر عدم اصابت دیمک اولدیغنی ویا فقرا قانونی انجمنی اعضاسنك لایحه لرنده مندرج اولوب « برطرفدن تصدق وتعاون عمومییه متفرع اولمق اوزره قوه تشریعیهجه وضع اولنوب نتیجه مطلوبه بی وجوده کتیرمش برتک نظام بولمق بیله مشکل اولدیغنه ونظامات مذکورهك قسم کلیسی یکی فنالقار ایجاد ومنعه موضوع بولندقلری فنالقارلی تزئید ایتدیکنه قناعت حاصل ایتدک » مفادنده بولنان نیم رسمی اعترافاتی موضوع بحث ایتک دکلدر. بلکه حکومت آدملری ودوائر حکومت طرفلرندن واقع اولان اعترافات وشهاداتی ده مبحوث عنه ایتک ایستورم. ایشته بالفرض مستر غلادستونه خطاب ولورد لیتلتونك تحت ریاستنده منعقد وفوق المعاده نافذالرأی ذواتدن متشکل برهیئت طرفندن قبول وتصویب ایدیلن برخطره ده : « واضع الامضا اولان بز لوردلر ، عوام قماره سی اعضاسی ، مکلفین وپای تحت ساکنینی سزک ۱۸۶۶ تاریخنده مجلس عوامده ایراد

ایتدیککز- امور نافعه یه متعلق بتون احکام قانونیه شایان تأسف وتلهف بر حالده در. تردد، قرار سزلق، فضله اسرافات، خست و جربلک، الحاصل نه قدر رذائل متضاده وارسه هپسی اصول حاضره مزده مجتمعدر- طرزنده کی بیاناتک اصابت وقوتی شدتله حس ایدیورز « دنیلیور. کذا مجلس تجارتک یقین زمانده کی (تشرین ثانی ۱۸۸۳) برمسوده سنده: « قضای بحری قومینه سنک تاریخ تشکلی اولان ۱۸۳۶ سنه سنندن بری هیچ بر دوره انعقاد مرور ایتمه مشدرکه حکومت ویا قوه تشریعه طرفندن کی قضالری منع ایچون برقرار وتدبیر اتخاذ ایدلمه مش اولسون. نظامندن هربری اولکیلرک برایشه یارامدینی ایچون وضع ایدلمش اولق اعتباریله ۱۸۵۴ تاریخنده جمع وتوحید ایدیلان مذکور نظاملرک تعددی بتکرار بر رذالت حاله کیرمشدر. بونکله برابر ۱۸۷۶ سنه سنندن بری نفوس وسفائن ضیاعی اولکندن چوق زیاده تزايد ایتمش اولدیغی اعتراف ضروریدر « دنیلیور. آراقده اداره نک مصارف سنویه سی ۱۷۰۰۰ لیرادن ۷۳۰۰۰ لیرایه بالغ اولمشدر.

خصوصی بعض طرز زرده مراجعت ایدیلن برطاقم وسائط صغیه وجملیه نک عقل ومنطقه رغماً خیال بشری تسخیر ایده بیلمسی جداً غریبدر. شونی تاریخ بشریتده وحشی نک خصصی تدهیش ایتدیکی حرب بویاسندن تا مراسم دینییه وقرال آلایلری، پارلامنتور یسنک فراجه سی ورسمی کسوه سیله ملبس مبائرک عصاسنه وارنجیه قدر مشاهده ایدیورز. الله طوتیلان بر قورقونج اولو ماسکسینه اولدجه جسارتله باقه بیلدیکی حالده باباسی بو ماسکینی یوزینه طاقدینی وقت باغیره رق قاچان برچوجق خاطر لیورم. ایشته هیأت انتخابیه ده دخی، سچیلان ذوات شهرور و بلاددن چیقوب هیئت تشریعه یه داخل اولدقلری

وقت، بوکا شیبیه بر تبدل حسیات واقع اولیور. اوکلرنده نامزد و ضعیله طور دقلری زمان فرق سیاسیه دن بری ویا دیکری طرفندن دوچار استخفاف و استهزا اولدقلری و هر صورتله حقلرنده پک آز حرمت کوسترلدیکی حالده و ستمنسترده اجتماع ایدر ایتمز بو یوزلرینه قارشى طعن ایتمکدن، مطبوعات صحیفه لرنده و خطابت کرسیلرنده جنت و اقتدار سزلقلری موضوع بحث ایدلمکدن چکینلمیان آدملر نامحدود براطمینان و اعتمادده مظهر اولمش بولنیورلر. بولنره - عرض ایدیلان استدعا و استرحاملره باقیلورسه - حصافت و قدرتلرینک ایریشه میه جکی هیچ برشی بولندیغه انسانک حکم ایده جکی کلیور.

بتون شو مسرود آتمه جواب اوله رق شبهه سز فکرت و بصیرت مجتمعه یی رهبر اتخاذا ایتمکدن کوزل برشی تصور اولنه ماز، ملتک کزیده آدملری دها کزیده اولان بر اقلیته اقتدا ایدرک زمانک بتون معلوما تپله منور اولان اک کوزل قدرتلری مذا کره ایستکلری مواده عطف و توجیه ایدرلر؛ بوندن دها مکمل نه اوله بیلور؛ دنیلیر.

بوکا شویله جواب ویریرم: قانون واضعلرینک اکتساب ایتش اوله رق ایشلری باشنه کلدکلری فرض اوانسان زمانک بو اک کوزل معلوماتی اکثریت اعتباریله و وظیفه لريله مناسبتی اولیان برطاقم شیلردر؛ لازملی معلومات هانکیسی اولدیغی بیلمدکلری ایچوندرکه واضعین قوانین شایان تقییحدر. برچوقلرینک مالکیته تمیزایتدکلری معلومات لسانیه نک قوه محاکمه لرینه ذره قدر تأثیری اولدیغی کبی معلومات مذکورده نک کشاد ایده جکی ابواب ادبیات دخی کندیلرینه حس اولنه جق درجه ده خدمت ایده مز. حربک حال طبیعی واصل اولدیغی، سارتک لزوملی و مشروع، قادینلرک ابدیاً تحت وصایتده قالسی الزم ایدوکی دعوا سنده بولنان برطاقم حکما واسطه سیله کوچک جمعیات

قدیمه دن انتقال ایدن تجارب ونظریات سیاسیہ آنلره شکل جدیدنده کی بیوک جماعات واقوامه پارلامنتو مقرراتنک نه صورتله اجرای فعل وتأثیر ایده جکنی کشف و تخمین ایتدیرمک خصوصنده بیلیم که نه درجه استفاده بخش اولور. بونلر (قارایل) نظریه سنجه جمعیتک عظام ودعائمی تشکیل ایدن بیوک آدملرک بتون اعمال و افعالی اوزون اوزادیه دوشونه بیلور و آثار تاریخیه یی طولدیران بین الملل منازعات، معادات، دسائس ومعاہدات حکایه لرینه سنه لر وقف ایده بیلورلر؛ فقط بتون بومساعیلرینه رغماً انسجه ومؤثرات اجتماعیه نک نصل ونیچونلری و انساج وتشکیلات مذکوریه قوانینک نه یولده تأثیر اجرا ایتدیکنی اکلایمغه برخطوه بیله تقرب ایتمش اولمازلر. فابریقه ده، بورسده، محکمه سالونلرنده اقتطاف ایدیلان درمه چآمه معلومات، مستحضرات مطلوبه یی تأمین ایده مز.

قانون واضعلرینه حقیقه لزومی اولان شی جمعیت حالنده برلشمش افراد انسانیه ده مشهود سببیت ومسببیت طبیعه نک natural causation اصول دائره سنده تبیی در. هر نه قدر قانون سببیت حقننده کی علم صریح، انکشاف وتکامل فکرینک عرض ایتدیکی اک صوک صفت کاشفه ایسه ده؛ هر نه قدر بر وحشی بسیط بر مؤثر میخانیکینک بیله سببیت وعلیتی ادراک ایده مزسه ده؛ هر نه قدر حتی یونانیلر بیله مزارعک براله مخصوص طرفندن سوق واداره ایدلدیکنه اعتقاد ایتمشلر ویونانیلر دورندن زمانمزه قدر امراض ساریه ومستولیه اسباب مافوق الطبیعیه عطف واسناد ایدلمش ایسه ده وهر نه قدر بتون حادثاتک الکقاریشینی اولان حادثه اجتماع ایچون سببیت ومسببیت مناسباتی هپسندن اوزون برمدت مجهول قالمی استبعاد ایدیله مزایسه ده ارتق بوکون بویله مناسبات سببیه نک موجودیتی صاحب فکر اولانلره

او قیل مواده قارىشمدن اول انلرك كمال دقت و اعتنايله تتبع ايدلمسى الزم اولديغنى اوكره تهجك قدر كسب وضوح ايلشدر. بوكون هر كسجه معلوم اولان تولدات، وفيات و مناحات عدديله بغداديك فيثاى آره سنده بر مناسبت و اشتراك بولنمى وعين جمعيتده عين بطن انساننده مقدار جرائمك عدد نفوسه نسبتى محدود بر دائره داخلنده تبدل ايلسى كيفيتلى ارادات بشريه نك كنديلرينه مربوط قوه مدرك يي رهبر اتخاذايدهرك تقريبي بر انتظام ايله اجراى فعل ايتمكده اولدقلىرينه هر كسى اقناع ايتمك كافيدير.

بوندن، مؤثرات اجتماعيه مياننده قوانينك ايجاد كرده سى اولانلر دخی كذلک متوسط بر انتظام ايله اجراى تأثير ايديرهك يالكز انسانلرك افعال و حرکاتى دكشدير مكله قالموب بالعكس نتيجه اعتباريله آنلرك طبيعتلرينى دخی - ياد كده ارزو ايدلمك بر صورتده - تغيير ايديره جكنى استتاج ايتمك لازمدير. شونى ده بيلملى دركه سببيت و مسببيت اجتماعيه ديكر سببيت و مسببيتلردن ده ائمره دار برسببيت و مسببيتدر؛ وبالواسطه و اوزاق اولان نتايج دخی قريب اولان نتيجه لر قدر غير قابل تحرزدر. شو بيانات و استدالات انكار اولنيور ديمك ايستميورم. يالكز اينانمك انواعى واردر: بعض اعتقادات سطحى و ظاهريدر؛ بعضيلرى افعال و حرکات بشريه يه آزيحق تأثير ايدير؛ ديكرلرينك ايسه افعال مذكوره ده غير قابل مقاومت بر نفوذى كوريلور. ايشته مواد اجتماعيه ده كى سببيت و مسببيت قانوننه واضع قانونلرك اعتقادى مع التأسف سطحى صنفه عائد بولنيور. هيسنك ضمناً قبول ايتدكلرى حالده وضع قانونده پك آزلىرينك نظر اعتباره آلدیغى حقائقدن بعضيلرينى تفحص ايدلم.

هر فرد انسانى نك كرك معاً و كرك ماده بر درجه قابل تعديل اولمى

متفق علیه بر حادثه در. تربیه حقنده کی هر بر نظریه و حساب خواهه سندن
 مصارعنککنه و ارنجیه قدر هر بر اسول تعامیم، فضیلت ایچون قونیلان
 مکافاة و ردیلت ایچون موضوع مجازاة بر جوق ضرب مثلره کچمش اولان
 « ملکاتدن هر هانکی برینک استعمال ویا تعطیلی معناً یا خودماده آند
 غایه مطلوبه به کوره ضیاع ویا اکتساب قوت کبی بر تبدل، بر تغیر
 تطابق adaptive change حصوله کتیرمی، اعتقادی تضرع ایدر.
 کذلک تظاهرات منتشره سیله عموماً قبول ایدلش دیکر بر حادثه
 دها وارد در که اوده طبعته هر هانکی صورتله وقوعه کلن تغیرک قابل
 توریت اولدی. کیمسه انکار ایتمز که بطندن بطنه کوچک کوچک
 تغیرات تراکم ایدرک بنیهلر شرائط محیطیه تطابق و توافق ایدرلر؛
 نته کم اقوام سائره ایچون مهلك اولان بر اقلیم اورایه تطابق ایتمش
 و آیشمش اولان عرقه ضرر ویرمز. ینه کیمسه انکار ایتمز که عین
 اصله منسوب اولدینی حالد بالآخره اقالیم مختلفه به توزع و اورالرده
 مختلف حیاتلر امرار ایتمش اولان انسانلر مرور زمانله مختلف
 استعدادات و تمایلات اکتساب ایتمشدر. کذلک هیچ کسه رد
 ایدر که الیوم آمریقالیلرده واقع اولدینی اوزره شرائط جدید
 آلتده یکی بر طاقم طبایع و سجایای ملیه (national characters)
 تشکل ایتمکده در: ایمدی مادامکه هر یرده وابدیاً بر تطابق حکمران
 اولدینی هیچ کسه انکار ایتمیور، شرائط اجتماعیه نکده هر بر تحولی
 تغیرات تطابقیه بی انتاج ایدر جکنده شبه ایدلمه مک لازم کلور.

مقدمات مبسوطه بزى غیر قابل انکار اولان شو نتیجه به ایصال
 ایدر که انسانلرک طرز افعالی تغیره خادم اولان هر قانون، آنلری
 یکی بر طاقم مجبوریات، تحدیدات ویا تسهیلاته تابع قیله رق، مرور زمانله
 طبعتلرنده انلره بر آلیش قینلق و تطابق وجوده کتیره جنک بر تأثیر

اجرا ایدر. طوغریدن طوغری به اجرا ایدیلن تأثیردن باشقه اکثریتک، اهامال ایتیمکده اولدینی تأثیرات و نتایج بعیده واردر، بوده عمومیتله طبایعک و سبجایانک تجدد و تقلب ایتیمی در: اوپله برتحول که یا ارزو ایدیلان و یا ایدیلان برجنسه عائد بولنور، وهرحالده نظراعتباره آلتیق لازم کلن نتایجک اک مهمنی تشکیل ایدر.

اجتماعی فعالیتلرک نصل وجوده کلدیکنی سؤال ایدر و بوکا آنلرک آیری آیری احتیاج پیشنده طولاشان و علی العاده اعتیادات و افکار قدیمه لرینه نظراً کندیلرینه اک قولای کورونن وسائطی یعنی اک آرزو مقاومت اظهار ایدن طریقلری تعقیب ایدن افراد انسانیه نك ارادات و ارزولرینك نتائج مجتمعه سی اولدینی - نته کم علم اقتصادی تشکیل ایدن حقائق بوکا دالدر - حقنده آله جغفر جوابک بداهته قانع اولورسه ق، اهالی وطنک و بالخاصه قانون واضعلرینك ذهنلرنده اییدن یر ایدنجیه قدر تتبع و تدقیق و جائیدن بولنان دیگر برطاقم حقائق عمومی ده منکشف اولور. انساج و افعال اجتماعیه دلیل و سائقلری افکار اولان تأثرات (emotion) بشریه نك محصولی اولدینی احتیاج اثباتدن وارسته برکیفتدر، اول افکارکه یا اسلافک یا خود نسل موجودک مالیدر. بنابرین حادثه اجتماع اشبو عواملک بطناً بعدبطن - مشترکاً و مجتمعاً اجرای فعل و تأثیر ایتیمیه تفسیر و ایضاح اولنه بیله چکی نتیجه سی تظاهر ایلر.

بویله برتفسیر بزه، استیفای احتیاج اندیشه سنده بولنان انسانلرک آرزولرینك محصولات و نتایج مجتمعه سی میاننده آنلرک خصوصی فعالیتلرینه و اختیاری مشارکتلرینه سبب و مشوق اولانلر ترقیات اجتماعیه به حکومتک تأثیر و تحریکی آلتنده وقوعه کلان فعالیتلردن زیاده خادم اولدیغنی ارانه ایدر. اولجه وحتی بوکورتلنلرک طوبیلاندینی

یرلرده بوکون مبذول حبوبات يتشمسی بر چوق عصرلر ظرفنده احتیاجات شخصیه سوقيله وجود بولمش، کلبه لردن کوزل اولره ترقی رفاه شخصی نك تزیدی ارزوسندن تولد ایلشدر. شهرلر دخی بوقیل اسباب ومؤثراتك محصولیدر. دینی بایراملر ائناسنده وقوع بولان اجتماعلرده اخذ و اعطادن باشلايوب بوکون اوقدر ترقی و انتشار ایتش اولان تشکیلات تجاریه تماماً انسانلرك مقاصد خصوصیه لری استحصال ضمننده کی مساعیلری ثمره سیدر. حکومتلرك، وظائف اصلیه لری قسماً ایفا وانضباط اجتماعی محافظه طولایسیله ایتدکلی خدمتدن ماعدا امر ترقیه هیچ بر یاردملری اولمه مش فقط آتی سکتهدار ایلشلردر.

انقلابات بنویه و فعالیت متزاید اجتماعی ممکن قیلان ترقی فنون و تکمیل تطبیقات دخی بویله در. باغچوان بلندن تلفونه وارنجیه قدر کونا کون اختراعات مفیده حکومتك اثر ایجادی دکلدرد. مترق بر علم هیئت یاردمیه سیر البحاری ممکن قیلان حکومت دکلدرد. صنایع حاضره نك رهبری اولان کیمیایه، حکمت طبعیه و سائر فنونه متعلق کشفیات حکومت طرفندن وقوع بولدی. هردرلو شیلری اعمال و انسانلری و اشیاى سائرہ ی بر محلدن دیگر محله نقل و ایصال ایدن و رفاه مزه بیکلرجه شکل و صورتده خدمت ایلین ترتیبات میخانیکیه حکومتك اختراع کرده سی دکلدرد. تجار اداره خانه لرنده اجرا ایدیلان عالم شمول معاملات تجاریه، سوقا قلمزی طولدیران های وهوی اخذ و اعطاء، هر شینی سهل التذاری قیلان و حوایج ضروریه یی هر کون قبولر مزه قدر سوق ایدن پراکنده صاتش اصولی حکومته منسوب بر اصلدن نشئت ایتمه اولیوب بونلر افرادك کرك منفرداً و کرك مشترکاً و فقط طایع و مختار اوله رق حصوله کتیردکلی فعالیتلرك ثمره سیدر. یا لکن

بو قدر می؟ حکومتلرده وظیفه لرینک وسائط اجراییه لرینی بو مختار و حر فعالیتلره مدیون بولنورلر؛ سیاست ماکنه سنی فن و صنعتک بخش ایتدیکی وسائطدن محروم ایدرو آنده یالکز حکومت مأمورلرینک ایجاد ایلش اولدینی شیلری بر اقیار ایه کز او دقیقه دن اعتباراً طورر، ایشله مز. قوانین حکومتک قید و تسجیلنه و حکومتک وسائط اجرایی اولان ذواتک هر کون امر و تعلیمات ویرمسنه خدمت ایدن لسان هیچ بر شیشی واضع قانونه مدیون اولمیان بر آلت اولوب احتیاجات شخصیه لری پیشنده طولاشان انسانلرك تماس و مناسبتی ايله فرقنده اولمقسنزین تحصیل و توسع ایلشدر.

بو حقیقتک بزى ایصال ایتدیکی دیگر بر حقیقت ده کندی کندینه وجود بولش اولان تشکل اجتماعی بر قسمنه، دیگر بتون اقسامنه آز چوق بر تأثر حصوله کتیرمیه جک صورتده تأثیر اجرایی بمکن اولمیان بر کل تشکیل ایلشدر. بو حال، بالفرض بر باموق قحطی ظهورنده اولابعض مراکز و نواحی صناعیه نك مفلوج اولمی، صکره بتون قراللق داخلنده طوپدن و پراکنده بایع لرك و بونلرك مشتریسی اولان اهالیك ونهایت یوك و کتان منسوجات مستحصل، بایع و مستهلک لرینک ده متأثر اولمسیله نابتدر. کذلک کور فیأتنده بر ترقی وقوعه کللی هر یرده حیات بیتیه بر عکس تأثیر اجرا ایتدکدن باشقه صنایع مزک بیوک بر قسمنی سکتهدار، مواد مستحصله نك فیأتی ترفیع، طرز استهلاکنی تغییر و مستهلک لرك اعتیاداتی تبدیل ایتیمی ده بر دلیل دیگر تشکیل ایدر. شو تعداد اولنان احوالده آشکار اوله رق مشهودمز اولان جادته دیگر بالعموم احوالده دخی آز چوق محسوس درجائده واقع اولور. پارلامنتو مقرر اتنک دخی طوغریدن طوغری به

وجوده کتیردکلی تأییدن باشقه مختلف جنسلرده سائر نتایج لاتحصاسی اولان عوامل عددانده بولندیغنده شبهه یوقدر.

تبعاتی کندینه واسع بر اقدار و صلاحیت بخش ایدن بیوک بر عالمک برکون «نظامات و نوامیس طبیعتیه برکوره مداخله ایتمهک باشلارسه کز نتایجک زرده توقف ایده جکئی کسیدیره مزسکز» دیدیکئی ایشتمشدم. اگر شوقول، عالمک موضوع بحث ایتدیکی طبیعتک دون البشر موجوداتی حقنده کی نظام ایچون طوغری ایسه مجتمع افراد انسانیه دن متشکل ترتیبات اجتماعیه ده کی نظام طبیعی حقنده بطریق الاولویه وارددر.

شمدی، واضع قانونك اشتغال ایتک عزمنده بولسینی جمعیت انسانیه تعلق ایدن بووسائر حقائق جلیه یی وظیفه سی باشنده دائماً زنده برادرک ایله تخطر ایتسی لازم کلدیکی نتیجه سنی بر درجه دها توضیح و تأیید ایچون حقائق مذکورده دن هنوز بحث ایتدیکم برینی بر آزار ایضاح و توسیع ایده جکم.

صنوف عالییه منسوب اجناس مخلوقاتدن هر برینک بقاسی یکدیگیرینه تماماً ضد ایکی اساسدن کاه برینه کاه دیگرینه متابعتله حصول پذیر اولدیغندن انلرک حیات طفولیت و کاللری متخالف صورته نظر اعتباره آلمق اقتضا ایدر، بناء علیه ترتیب طبعیلری اعتباریه تفحص ایده لم.

اک معلوم حادثاتندرکه حیوانات عالییه بیومک، کاله ایرمک خصوصنده نسبتاً بطی اولدقلری حالده بیودکلرنده محصوللرینه، حیوانات سفلیه نک یاویرلرینه ایتدکلی معاونتدن دها زیاده اعانت ایلکه مقتدر بولنورلر. یاویرلر هنوز کندیلرینه باققدن عاجز اولدقلری برزمانده بیوکلر انلری آزار چوق اوزون برمدت کوزه تیرلر. بنابرین بقای اجناس انحق اهتمام ابوینک، عدم تکمیلک تولید ایتدیکی حاجت

وضرورته كوره تنظيم ايدلمسيله قابل اوله بيله چكى بديهيدير. كوزلری آچيلمه مش چالی قوشی وكوزلری آچیلدقدن صكره بيله كوپك ياوريسى كندی كندیلرینی ایصتمغه وكندی غدالرینی كندیلری بولمغه مجبور قالسهر هلاك اوله جقلرینی بیانه حاجت یوقدر. بجان اولان معاونت ابوین یاورینك كندینه یاخود دیگرلرینه قارشى فائده واقدارینك آزلنی نسبتده تزايد ایدر ویاورى بیویوب تكمل ایدرك اولا كندی اغاشه سی و صكره دیگرلرینك انفاق ایچون قدرت كسب ایتدجه تناقص ایلر. بوايسه كوچكلك، یاوریلق زماننده كوریلان معاونتلرك قدرت ویا استعداد ايله معكوساً متناسب اولدیغنی مثبتدر. شهه سز حیاتك بوايلك دورنده نعمتلر كلفته ومكافاتلر لیاقه كوره اولسه ایدی بر بطن ایچنده اجناس محو و نابود اولوب كیدردی.

عائله جمعیتی اصولندن جنسك افراد كامله ورشیده سندن متشكل دهها بیوك جمعیت اصولنه توجیه نظر ایدم و تحری ایلیم كه بتون قوتلرینی استعماله صالح ومعاونت ابویندن فارغ اولان یكى بر فرد كندی كندینه براقلدینی وقت نه اولیور.

شمدی یوقاریده بیان اولنان اساسك تمامأضدی بر قاعده تارشوسنده بولئورز. كاله ایرمش اولان هر فرد حیاتنك قسم متباقیسنده استحقاقی نسبتده مكافاته، خدمت وكلفتی نسبتده نعمته مظهر اوله جقدر؛ استحقاق ونعمتدن مقصدنر حوائج حیاتیه نك تسویه سنه استعداد واقدار كسب ایتك، غذا ومسكن تأمین ایتك ودشمنلرك تعرضندن آمین اولمقدر. منسوب اولدیغنی جنسك افرادی ايله رقابت واجناس سائر نك اركانيله مخاصمت حالنده بولنه رق اوصاف لازمه یی حائز ویا غیر حائز اولدیغنه كوره افراد یا ضعفه دوشهرك منطقی یاخود كسب

قوت ایدرهك منتشر اولورلر . بواساسه مخالفت قابل اولسه مرور زمانله جنس ایچون وخیم ومهلك اوله جنی شبهه سزدر .

نعمت ومكافاة - عائله جمعیتده اولدینی مثللو - فردك اقتدارسزلنی وفائده سزلكی ایله متناسب اولسه وبالنتیجه دكر سزلك تزایدی ترویج ومقتدرلرك آرتیمی تصعب ایدلسه ایدی جنس کیتدکجه تدنی ایدر وبلکده شوصورتله شکل طبیعیسی بوزیله رق رقیب ومتخاصم اجناسك قارشوسنده تأمین موقع ایلیه مزدی .

ایمدی، بوراده نظر اعتنایه آله جق حادثه، طبیعتك عائله جمعیتی داخلنده وخارجنده تابع اولدینی جریان وخط حرکتلك طبان طبانہ ضد اولسی وبرینه خاص اولان اصولك اونه کنه تطبیق جنس ایچون آتی ویا آتی بر تهلكی انتاج ایتسی کیفیتلیدر .

عجبا بوحقیقت جنس انسانی ایچون دخی قابل تطبیق اولدینده شبهه ایدن وارمیدر ؟ بویله برکسه وارسه، دیگر حیوان عائله لرنده اولدینی مثللو عائله بشریه ایچون ده نعمت ومكافاتی کلفت واستحقاقه متناسب قیلمق خطرناك اولدینی انکار، عائله جمعیتندن چیقمش و بیومش افراد ایچون مكافاتك استحقاق ایله متناسب اولمهسی لازم کله جکنی و اوصاف لازمه یی حائز بولمیانلرك صفات کامله ایله متصف اولانلر قدر تكثر وانتشار ایتسی هیچ بر محذور ومضرتی داعی اولیه جعتی ادعا ایدیهیلورمی ؟ جمعیات سائرهیه قارشى یا مناسبات رقابتکارانه یاخود وضع خصوصتپرورانه ده بولنان بر جمعیت انسانیه بر جنس کبی ملاحظه ایدیهیلور؛ و، دكر سز وبی اقتدار افرادی منفعتدار ایتك ایچون دكرلی عضولرك منافعی سکتهدار ایدلك مبارزه اجناسده مغلوبیت وانهمازه سبب اولسی اجناس حیوانیه حقنده فصل واقع ایسه جمعیات بشریه ایچون ده اولیهجه وارددر .

عائله حیاتی اصولی قبول و حیات اجتماعی به تماماً تطبیق ایدلسه، یعنی مکافاتلر استحقاقک کوچکلکی درجه سنده بیوک اولسه جمعیت ایچون نتایج وخیمه وقوعی کجکیمیه جکنی کیمسه نك انکار ایده میه جکنده شبهه یوقدر. حال بویله اولنجه عائله اصولنک حکومت اصولنه ولو قسماً تطبیقنک حکومت ایچون یاواش یاواش نتایج الیمه ایجاد ایتسی طبیعیدر. جمعیت صفت کلیتی اعتباریله، آتی ویا بعد فلاکتلری انتاج ایلکسزین بومتضاد اصوللرک سربستی و جریان طبیعیسنه ممانعت ایده مز، او اصوللرکه آنلر ایله هر بر جنس کنیدی فی الحال تعقیب ایتدیکی طرز حیاته آلیش دیرمش وینه آنلر ایله بو آلیشقلق و تطابقی (fitness) محافظه ایتکده بولنمشدر.

جمعیه، کایت صفت و قیدنی علاوه ایدیشم قدرتسز و دکر سزله مقتدرلرک فرد صفتیله وقوع بولان معاونتلرندن احتراز ایچوندر. یوقسه فرد صفتیله کوستریلان معاونتلری اتهام ویا تقبیح ایتک ایسته میورم. هر نه قدر دکر سز و قدرتسز لک چوغالسنی انتاج ایده جک وجهله بلا تمیز بو قییل معاونتله داعی مضرات ایسه ده جمعیت طرفندن دریغ اعانت ایدلیدی زمانلر شم دیکندن چوق زیاده مطالب و مراجعتکاه اوله جق فردی معاونتلر ده بیوک بر حسن مسئولیتله مترافق اوله رق جدأ قدرتسز اولانلردن زیاده علی العموم، دکرلی اولدقلری حالده طالعسز دوشنلرک حمایه سی جهته منعطف بولنه جق وحشیات شفقتکارانه نك شو صورتله تنیه ایدلسندن هر وقت اجتماعی برکار حاصل اوله جقدر.

عائله اصول و آداب ایله حکومت اصول و آداب آره سنده کی فرق کوزه تیلیمک شرطیله بولنر قبول ایدیله بیلورسه ده علوجناب برینک قاعده اصلیه سی اولقله برابر دیکرینک اساسی ده عدالت اولق

ایجاب ایدر. ماهر و غیر ماهر هرکسک مادی ویا فکری سینه قارشو اول سیک مظهر اولدینی طلبه کوره تعین ایدن قیمتی آلمسی ایجاب ایدن مناسبات طبیعی صورت قطعیده محافظه ایدملی واخلال اولنمیلیدر: بوقارشولق و قیمت ایسه آنی استحصال ایدن کسه نک کندینه وسائرلرینه نظراً فائده سی نسبتنده کرک کندینک کرک مولوداتنک ترفیه و اعاشه سنه مدار اوله جقدر.

حال بویله ایکن لندن لغت کتابلرینی، اوراق عدلیه یی، دفاتر تجاریه یی برطرفه آتهرق تحت تابعیتلرنده یاشادیغمز و کندیلرینه متابعت و رعایته مجبور بولندیغمز نظام طبیعی اشایی تماشا ایدن هرکسک وهله مطلع اوله جنی شوحقائک بداهت و علانیتنه رغماً دائماً عائله اصولی اوزره متشکل حکومتک مدافعه ایدلیدکنی کوریورز. عائله اصولنک حکومته تطبیقی اجتماعی نقطه نظردن مضر عد ایدیله جکی یرده امراض اجتماعیه ایچون یکانه دواء بره الساعه قیاس ایدیلور. بوطن باطل، هرکسدن زیاده انک تأثیرندن آزاده اوله جنی فرض اولنان ذواتک بیه افکار و اعتقاداتی افساد ایده جک درجهده منتشر بولنیور. ۱۸۸۰ تاریخنده (قوبدن قلوب) ک مظهر تقدیر و مکافاتی اولان بررسالهده: «سربستی صنایع (براقک یاپسون laissez faire) سفسطه سیله تغلیط ایدیلور... بزدها زیاده عائله اساسی اوزره متشکل بر حکومته محتاجز، اول طرز حکومت که اسکی اقتصاد یون نظرنده غول بیانی کبی تلقی ایدیلوردی، مثللو افکاره تصادف ایدیلور! ذکر اولنان حقیقتک قبول ویا ردی الیوم متأسس بتون افکار و عقائد سیاسییه اجرایی تأثیر ایده بیله جکی جهته پک عظیم اهمیتی اولدیغندن ۱۸۵۱ تاریخنده نشر ایتدیکم برآزده مندرج بعض فقراتی بوراده ذکر ایله حقیقت مسروده یی تأیید ایتمکلمکه مساعده اولنسون.

مخلوقات سفلیده حکمفرما اولان جدال عمومی بی تصویر ایتدکن
وبوندن عمومیتله بر نتیجه خیر آفرین ظهور ایتدیکنی سوبله دکن
صکره شویله دیمشدم :

« شوراسنی ده بیلمی درکه آنلرك آكل اللحوم اولان خصملری
اوت ییجی حیوانات سوریلرندن یالکز سن کالی کچرمش اولان
افرادی ازاله ایتمکله قالمیوب خسته لقی، فنا بیه لی، بطی الحركه و قدرتسز
اولانلری ده تنکیل ایدرلر. كرك بوتیمیزله ییجی، تصفیة ایدیجی اصولك
یاردمی و كرك چفتلشمه موسمنده حیواناتده عمومی کبی
اولان مبارزه نك معاوتی ایله فنا وضعیف افرادك تكثری و بنابرین
عبرك بوزولسی منع ایدیلر ك شو صورتله شرائط محیطیه تماما مطابق
وبالنتیجه دها زیاده فیضدار و مسعود برینه و تشكلك تقرری تأمین
ایدلمش اولور.

« مخلوقاتك تكامل و انكشافی بوقیل محاذیر ایله سعادتلری مختل
اولیان برشكل موجودیته طوغری ایلریله مه در. بوسعادت عرق بشرده
حیز حصوله كله جکی کبی مدنیت اكا متوجه اولان اك صوك منزل
و غایه کماله وارمش انسان (ideal man) کندنده بتون بوشرائط
سعادتك مستجمع اولدینی انساندر. بشریت حاضر نك رفاهی
وبور فاهك اوج کاله صعودی، بتون ذی حیات مخلوقاتك تابع اولدینی
عین غنیف، فقط فیاض اصول و ضابطه ایله تأمین ایدلمشدر : او یله
بر اصول که خیر وجوده کتیر مکده هیچ رحم و شفقتی یوقدر. او یله
بر قانون سعادت بخشا که جزئی و موقت فلاکتلر ایچون تبدیل وجهه
استقامت ایتز. قدرتسزك فقری، احتیاطسز و تدبیرسزك فلاکتی
و ضعیفك قوی طرفسندن چیکنه نمسی که بر جوق آدملری کرداب

محرومیتده براقور، عظیم وپك اوزاقلری كورن برشفقت وخیر
خواهینك فرمان وارادتلیدر .

* * * * *

« حال اجتماعییه اویغون برشکله کیرمك ایچون انسان یالکز
وحشتی ازاله ایتمکه دکل، حیات مدنییه ایچون الزم اولان قابلیتلی ده
اکتسابه مجبوردر . قدرت اجتهدیه سنی توسیع وقوه ادراکیه سنی
وظائف جدیدیه سنی ایفایه صالح برحاله ایصال ایتمکه وبالخاصه کوچك
بر حفظ آتی بیوک برحظ آتی ایچون فدا ایتمکه مقتدر اولمیلیدر .
دوره انقلابیه نك غیر مسعود برصفحه تشکیل ایتمی وطرز تشکل
وبنیهلر ایله احوال وشرائط آرمسندکی مبانیت وعدم تطابقك سفالتی
انتاج ایلمی طبعییدر . ایشته بزى المناك ایدن ومبتدیله قابل ازاله فلان
ویا فلان برسبیک نتایج ظاهره سی کبی کورینن بومحاذیر ایوم حال
فعالیت ووقوعده بولنان تطابق (adaptation) ك غیر قابل تحرز
لوازمی در . بشریت وضعیت جدیدیه سنك بی رحم ضرورتی آلتده
ازلمکده، اوضرورات ایله هم آهنگ اولمق ایچون یکی بر قابله ارجاع
ایدلمکده اولوب بونك نتیجه طبعیه سی اولان فبالکات ومزاحمه ده
قاتلانمقدن باشقه چاره یوقدر . لاعلاج بوجریانه تابع اولنه حق
ومزاحمه رضا کوستریله جکدر . ارض اوزرنده هیچ برقوت، رجال
حکومتك غایت ماهرانه دوشونلش هیچ برقانونی، محب بشرک ترتیب
کائناتی دوزلتمك عزمنده بولنان هیچ بریلانی، اشتراکیونك هیچ بر
دوای قطعیمی الحاصل انسانلرك یابدقلری یاخود یابه جقلری اصلاحاتك
هیچ بری اوفلاکتلی ذره قدر تنقیص ایده مز . بالعکس بوفلاکتلر
تزیید وتشدید ایدیه بیلور، نته کم ایدلمشدر . آنلرك تشددینی منع
ایتمك محب بشر ایچون واسع برزمین اجتهد تشکیل ایلر . مع هذا

شوراسنی ایجه بیللمی درکه انقلابك بر مقدار طبیعی فلاکت ایله ردیف اولسی ضروری و بونکده تقلیل مقداری قوانین حیاتی تغییر ایتدجکه مستحیل در.

* * * * *

مادام شو جریانك شدتی انسانلرك یکدیگرینه قارشو مفلور اولدینی حس شفقتله بر درجه تخفیف ایدیله بیلور، ایدلسون . انجق تأثیرات بعیده سی نظر اعتباره النیه رق کوستریلان آنا رشفقتك مضرتی محققدر . فقط ینه فوائدی محاذیرینه غالبدر . یالکز بوشفتت اخلاص عدالتی باعث اولدینی و حریت متساویه قانونیله منوع اولان بر مداخله یی استلزام ایلیه رك حیاتك بردائرهُ خصوصیه سنده کی بنیه ایله شرائط آره سنده کی مناسبتی تعطیل ایلدیکی وقت مجرد فنانق و محض مضرتدر . بو تقدیرده ایسه نتیجه مقصده منافی اولوب اضطراب و فلاکتی تخفیف ایده جك اولان شفقت آنی تزید ایتمش بولنور . موجودیته صالح اولمیانلرك تکثرینی ترویج ، صالح اولانلره ایسه کوچك بر زمین انکشاف بر اقره رق تزایدن منع ایلر و دنیایی، حیاتك کندیلرینه اك چوق زحمت ویره جکی افراد ایله املا واک زیاده مسرت بخش ایده جکی ارکاندن اخلا ایده رك قطعی بر فلاکت سبب و محقق بر سعاده مانع اولور » — موزانت اجتماعیه صحیفه ۳۲۲-۵-۳۸۰-۱ شوقفرائك انتشارندن بری بر نلث عصر کچدیکی حالده آنلرده اتخاذا اولسان نقطه نظر دن رجوعه بر سبب کورمدیکم کبی بالعکس بو مرور زمان مذکور نقطه نظری تأیید و تقویه ایده جك بر چوق دلائل جدیده وجوده کتیر مشدر . اك صالح و مناسب افرادك بقا بولمسندن متحصل نتائج خیر بخشا یوقاریده نقل ایدیلنلردن دهاک چوقدر . مستر داروین ، اصطفا ی طبیعی (Natural Selection)

اسمى ويردىكى حادته تغيرات وتغيراتك قابل توارث اولمى استعدادينه انضمام ايدهرك - بتون ذى حيات مخلوقاتى ، انكشاف ايتدجكه تخالف وتكرار تخالف ايتديرهرك عضويت حاضره لرينه وطرز حياتلرينه تطابقه ايصال ايدن - تكاملك اك مهم سببى تشكيل ايتديكنى كوستر مشدر ؛ (مع مافيه بن بونك يكانه سبب اولديغنه قانع دكلم) . بو حقيقت او قدر تعمم وانتشار ايتمشدر كه ذكرى ايجون اعتذار ايتك ايجاب ايديبور . مع هذا منورالافكار ذواتك اكثرى ايجون حقيقت مذكوره نك معروف واك صالح ومستعد افرادك بقا ومعمرى پك خيرلى برشى اولدينى - انك مختل ايدلمى وبى تأثير براقلمسى خصوصنده اسكى زمان آدملردن دهازياده متردد وبصير بولملى لزومى كوستره جك درجه ده - نظر دقتلرينه معروض بولندينى شوزمانده تاريخ عالمك ادوار سائر سندن زياده ، اك غير صالح وغير مستعدلرك ادامهنى ترويجه صرف مقدرت ايدلمى حقيقه شايان استغرابدر !

انسانلرك صاحب اذعان بر مخلوق اولدينى حقنده بلا اثبات قبول ايديلن قضيه (موضوعه) انسانى دائماً سلامتدن پك اوزاق اولدينى ثابت اولان نتايجه سوق ايديبور .

« اوت ! شوييان ايتديك كز قواعد حيوائلرك حياتندن مستخرج ، بناء عليه پك قبادر . بزي ، انسانلرك حيواناتجه تابع بولنلان اصول وضوابطه لزوم ثبعتلرينه مى ايناندرمق ايسيتيورسكز ! تاريخ طبيعى دن مأخوذ دلائلكزك بزجه اهميتى يوقدر . وجدانمز ضعيف وفلا كترده لرك واجب الاعانه اولدقلىنه شهادت ايديبور . اكر خود پرستان دريغ معاونت ايتك ايسترلرسه قانوناً اجبار ايديلورلر . بزه حسيات انسانيتكارانه و شفقتپروورانه نك مناسبات افراده خاص

و حکومتلرك ایسه انجق بر خشین عدالت موزعلری اولمندن بحث ایتیمکز. حس شفقتله مجبول اولان هر فرد آچلغک، فلاکت و سفالت بشریه نك لزوم منعی حس ایتک ایجاب ایدر. قوا و وسائط خصوصیه بو نتیجه یی تأمینه کفایت ایتمز ایسه وسائط و مؤسسات رسمیه یه مراجعت ایدیلور.

اونده طقوز کشیدن بوجواب آله جغه امینم. بعض کیمسه لرده بوملاحظات غایت شدید بر حسب نوع حسندن نشئت ایدر؛ بونلر فلاکت بشریه یی آرتق نتائج بعیده ملاحظاته یی بر اقایان بر صبر سزاقله مترادف اولقسزین تماشا ایده مزلر؛ دیگر لرینک حساسیتی ایسه قید احتیاط ایله تلقی ایدلک اقتضا ایدر. چونکه منافع ملیه موهمه مزری یا خود دولتمزک نفوذینی محافظه ایتک ایچون موقع اقتدارده اولان رجال حکومت، مقاصد و منویاتندن امین اولدیغمز و یا موجودیتلرندن وتشکیلاتلرندن متضرر اولدیغمز، یا خود مملکتلرینه مستملکاتنجیلر مرکز احتیاجی اولان بیکلرجه آدملرک محوی ضمتنده بر قسمی اولمک اوزره ینه بیکلرجه آدمی درحال سوق ایتزلر ایسه اظهار غیظ و انفعال ایدن اشخاصک مزاحم فقرایه قارشی اوقدر رقیق القلب اولملرینه کوچ اینانیلور. حال ترقی و تکملده بولنان جمعیتلرک تخریب و تشکیله خادم بر اصول سیاست تعقینه طرفدار اولان و بونک آچه جنی کاروزار و آنکده بالضروره موجب اوله جنی فلاکت، قتال و تخریباته کلییه مسلکندن بر حکیم کبی لاقید باقان آدملرک شفقت جعلیه لری پک آز تقدیره لایقدر. بوئرلر ادعای استقلال ایله بزه مظفرانه مقاومت ایتدکلری وقت تلافی مغلوبیت ایچون کرک بزه و کرک دشمنه دهها برچوق فلاکت و وفياته مال اوله جق بر حرب آچیلوبده انکلیز شرف و وقاری محافظه ایدلدیکندن طولای حدت ایدن ذوات یوقاریده

فقرا حقنده ذكر ايتديكمز مؤاخذه لرینك سبب ومشوقی اولدینسه
احتمال ویريله جك انسانیت و شفقت حسلرینه ادعای مالکیت
ایده مزلر . فی الحقیقه کمال سکون ایله جریان ایدن جدال حیاتی صبر
ایله سیر ایتمه مساعد اولیان حساسیتلری حرب و قتال حقیقینک
مزاحم و آلامنه یالکز شویله سیرجی اولغه دکل بلکه کمال ذوق ایله
تماشایه تحمل ایدیور. قانلی لوحه لری احتوا ایدن مصور جرائدک
نه قدر خواهشله آراندینی و قانلی محاربات حکایه لری نه درجه شوق
ایله اوقوندینی بوکا شاهددر. تنبل و تدبیر سزلرک دوچار اولدینی مشاقی
تحیل ایتمه حساسیتلری مساعد اولما مقوله برابر بوکا رغماً « عالمک اون بش
محاربه قطعیه سی The Fifteen Decisive Battles of the World »
عنوانلی اثرک اوتوز بردفعه طبعی ایجاب ایده جک قدر تهالک کو سترن
وبونده کی قانلی حکایه لرک قرائتیه ذوقیاب اولان ذواتک حس تأثرلری
حقنده دوچار اشتباه اولغه حقمنز یوقیدر؟ آغر فلاکتلرک دفعی
ایچون دها بیوک فلاکات آتیه یی کوزه آلدیره رق ترتیب طبعی
اشیایی تغیر آرزوسنده بولسانلرک ظاهری وجعلی اولان شفقتلری
ایله حقیقی اولان رحم سزلکلری آره سنده کی تضاد دها زیاده در .
چونکه عین آدملرک دیگر احوالده ، سفک دماء و قتال مسئله لرنده
بتون سرین قانلیلقله ، بشریتک منفعتی ایچون عروق سفلیه واقوام
وحشیه نک عروق عالیه ومدنیه طرفندن احما و مملکتلرینک اشغال
ایدملرینی ادعا ومدافعه ایتدکلرینی کوررسکز؛ برحاله ده بونلر کندی
جمیتلرنده بین الافراد سکون ایله وهیچ برشدتی حائز اولمیه رق آقوب
کیدن جنک حیاتک شدائد ضروریه سنی بی تأثر تخیله مقتدر اولمدقلری
حاله یه بوشدائدک فقط قلنج و آتش ایله وپک بیوک مقیاسده بتون
برجاعت اوزرینه یاغدیلمسنی کمال اعتدال ایله تماشا ایدرلر. حاصلی

داخله کی بی قدرت و دکر سز افراد حقنده - خار جده کیلرک کیف مایشاء
 احساسنه مترافق اولان ملاحظه عالیجنابانه دن بن برشی اکلایه میورم.
 کندی قومزه کو ستر دیکمز - واقوام سائر حقنده ابراز اولنان
 عدم تقیدله مترافق - شو تقید وعلاقه نک ماهیتی و صورت ظهورینی
 تحقیق ایدرسه ک آنک ده آ ز شایسته اعتبار اولدیغنی کوریرز. اگر بوتقید،
 فلاکت واضطرابک ازاله سی ایچون شخصاً وبالفعل اوغرا شلمغه سبب
 اولسه جدآ تقدیر ایدر ایدک؛ و باد هوا شفقت صاتان برچوق خلق، اگر
 هر کون، هر ساعت دائماً و قتلرینک قسم کایسنی کرک سائقه بدبختی
 کرک عدم اقتدار و یا حرکت جاهلانله ایله برحیات ضرورت و سفالت
 آلوده دوشنلرک معاونته، تشویق و یا تسیرینه کمال متسانتله وقف
 ایدن ذوات کبی اولسه لردی مدحه سزا اولور لردی. فقرانک کندی
 کندیلرینه ایشلرینی یولنه قویدرمق خصوصنده قدرچوق خیرخواه
 بولنور و شفقتلرینی واسطه و یا وکیل ایله دکل، طوغریدن طوغری به
 اظهار ایدن نه قدر چوق ذوات چیقارسه او قدر ممنون اولورز.
 فقط بختسز و یا تدبیر سزلرک تهوین سفالته قانون ایله چاره ساز اولمق
 ایستیانلرک اکثریت عظیمه سی بو خصوصک کندیلرینه اوجوز
 و سائرلرینه - که بونلرک رضاسی نادرآ بولنیور - بهالی مال اولسنی آرزو
 ایدیورلر. یالکز بوندن عبارت دکل: فلا کتزدکانه شو قدر معاونته
 بولنغه اجبار ایدیلرک کسه لرک علی الا کثر کندیلری ده او قدر برامداد
 و معاونته محتاج اولانلر اولوب جدآ شایسته ترحم بولنان فقرا ایسه دکر سز
 و غیر مستعد فقرانک تأمین اعاشه سی خصوصنده مقتضی پاره لری و یرمه
 مجبور ایدیلنلر در. نته کیم اسکی فقرا قانونی موجبجه فعال و مدبر
 ایشجیلر هیچ برایشه یارامازلرک دوچار سفالت اوله ملری ایچون پاره
 و یرمه مجبور اولورلر و نهایت بوفضله یوکک آلتنده کندیلری ده ازیله رک

فقرخانه به دوشلرلردی. کذا شمدی ده بیوک شهرلرده مقاصد عمومیه ایچون استیفا اولتان تکالیف الیوم دینجی قیافتنده کوزو که مک ایچون ایجه چالیشان کوچک اصناف و صنعتکارلری پک بیوک بر محرومیته القا ایتکسزین تزیید ایدیه میه جک درجه به بالغ اولشدر. هر خصوصده، مستحق ترحم اولیانلرك تخفیف آلامی ایچون شایسته مرحمت بولانلرك تشدید مشافی مسلکی تعقیب ایدیلور. الحاصل عدم اقتدار و یاسوء حرکتلری حسینله اقتدارسز بولانلره جدال حیاتک ویردیکی فلاکتی تصور ایدیه میه جک قدر حساس وشفیق اولانلر مستحقلر ایچون جدال حیاتی تصعب وکرك بولنلرك کرك چوجقلرینک ذاتاً قاتلانمغه مجبور اولدقلری شدائد طبعیه به اقدار صنعیه علاوه ایدیه جک قدر مرحمتسزدرلر.

شمدی آرتق بحث اصلیمزه یعنی قانون واضعلرینک خطالرینه کلدک. بوراده کندمزی مدیران امورک آچیقندن آچیغه ارتکاب ایتدکلری فوق العاده شائع و متعامل بر خطا مواجهه سنده بولورز؛ انجق بونک شیوع و انتشاری اول درجه به وارمشدرکه ارتق کسه بونک خطا و تجاوز اولسنه احتمال ویرمز. بدایت مقلزده سولنلدیکی وجهله تجاوزدن متولد و تجاوز ایله حاصل اولان حکومت تجاوزکار اولق خصوص سنده دائماً طبیعت اصلیه سنی اظهار ایتدیکنی بوراده کوریورز؛ حتی صفحه قریبه سنده یالکز ایلک کبی کوزوکن شینک صفحه بییده ده کوچک بر فالق دکل بلکه ظلم بهاسنه مال اولش بر مروت اولدینی کوریلور. فی الحقیقه نامستحقینک اضطراباتی تخفیف ایتسون دیه مستحق و مستعد اولانلرك کلفت و مشقتی تشدید ایتک ظلمدن باشقه برشی دکلدک.

حادثاتک صفحه متعاکسه سنی کیزلیوب یالکز بر یوزینی کوسترن

كلمات و عبارات ایله كندی كندمزى الداتمه مزىك غریبدر. بوكا غایت آشكار و مسئلهیه پك یقیندن تعلق بولنان برمثال آرانیلورسه سربستی مبادلله اصولنه خصم اولانلرك (اصول حمایه) و (حمایه طرفدارى) عنوانلرینی آلملرینی و سربستی مبادلله سالکینكده مذکور عنوان و تعییرلرك مناسب اولدقلرینی ضمناً قبول ایتلرینی کوستریرز. حمایه دنیلن اصولك بر تجاوزی تضمن ایتدیكى و بنا برین حمایه طرفدارى یرینه تجاوز طرفدارى تعییری اقامه اولنقى لازمه دن بولندینی حقیقتی مبحوث عنه ایكى فرقه دن بری بر معتاد بیلمدیكى کبی دیگرى ده بر معتاد تأیید و تبیین ده قصور ایتشدر. (ب) نك منافعی محافظه ایچون (ح) ك (ء) دن اشترا ایتسی منع ایدیلور یا خود (ء) دن اشترا ایتدیكى تقدیرده رسم و تکلیف مقدارینه مساوی بر جزای نقدی ایله جزالندیریلورسه، (ب) محافظه و حمایه ایدلسون دیه (ح) ه تجاوز واقع اولمش اولور. بوندن باشقه سربستی مبادلله خصمانه (حمایه کاران) عنوان جمیله فروشانه سندن زیاده (تجاوز کاران) تعییری الیقدر. چونکه بر مستحصلك منفعتی اوغرنده اون مستهلکك ضرری ترجیح ایدیلور.

مسئله نك یالکز بر جهتی نظر اعتباره آلمقدن متولد تغلط افكارك بر قسمنده بر آدمه باد هوا بر منفعت تأمین ایتك ایچون دیگر بر آدمك جبراً مالی المنی استلزام ایدن توانینده تصادف ایدیلور. عمومیتله بوقیل نظاملر موقع مناقشه ده ایکن یالکز فلان بر فلا کتدن حمایه ایدلك لازم کلن زید دوشونیلور؛ و طاقت بر انداز مشغولیتلر التده ازیلن و کندینسه تجاوز واقع اولوب اکثریتله ده زیاده شایان ترحم بولنان عمرو عقله بیله کتیرلر. پك عظیم بر اجتهاد ایله قارنی طویوره بیلن صاتیجی قادیندن، تعطیل اشغال نتیجه سنده ایشسر قالمش

دیوار جیدن ، برخسته لق انناسنده تصرف ایتدیکی اچقسی اریسوب
توکه نن ما کینیسندن ویتیم چوجقلرینی بسلیه بیلیمک ایچون صباحدن
اچشامه قدر چاشیر ییقامق و دیکش دیکلمکه اشتغال ایدن برطول
قادیندن (کرك طوغریدن طوغریه ، کرك بدل اجاراتی تزید
صورتیله) پاره آلنور ؛ تاکه برطاقم سفلا آچلقدن قورتارلسون ؛
نسبه دهها آز فقیر اولان قومشورلک چوجقلرینه اوجوز درس
اوقوتیلسون ؛ واکثر یسنک حال ووقتی ای اولان برچوق خلق
مجاناً غزته ورومان اوقویه بیلسون !

غلط اصطلاح براعتبار ایله ، تجاوز کارانه حمایه کار دنیلیمسنی ایجاب
ایدن خطادن دهها زیاده یا کلتیجی در ؛ چونکه شمدی سویلدیکمز کبی
فضیلتسز اولان فقیرلک حمایه سی فضیلتی اولان فقیره تعدی بی انتاج
ایدیور . شبهه سز تحصیل اولنان پاره نک بیوک بر قسمی نسبه
مرفه الحال اولانلردن آلنور ؛ فقط بو ، قسم متباقی بی ویرن
فقیرلره تسلیت ساز اوله ماز . هر ایکی صنف اوزرنده کی تأثیرات
مقایسه ایدیلورسه حالک وهله اولی ده کورندیکندن بدتر اولدینی
اکلاشیلور . متسع المعاش اولانلردن آلنان پاره ترک سفاهتی داعی
اولیمسه مقابل فقرادن آلنان مبلغ حوایج ضروریه دن محرومیتی موجبدر .
شمدی ایسه قانون واضعلرینک بومزمن خطالرینی ولی ایتمسندن
بحق قورقلمق لازم کلان عکس العملی دوشونیکز . بتون صاحب
املاک ایله برلکده قانون واضعلری و بونلرک منسوب اولدینی صنف
اجتماعی ، مصادره یه متعلق پارلامنتو مقرراتنده ضمنأ قبول ایدیلن برقاعده
کلیه نک پک شموللی بر تطبیقندن طولای دوچار فلاکت اولق تهلکه سنده
بولنیورلر . اوت مقررات مبحوث عنهانک مستند اولدینی نظریه برکسه نک
ولو آلتنک تری ایله قزاندینی مالی اوزرنده جمیتک اذن ورخصتی اولدقجه

هیچ برحق وعلاقه سی اولماسی و جمعیت اول حقوق و علائقی تنسیب ایده جکی هر برحد ونسبتده فسخ وابطال ایده بیللمسی خصوصلرندن عبارتدر . جمعیت باعتبارالکلیه هر فردک اموالی اوزرنده مطلق برحق حائز اولدینی موضوعه سی قبول ایدلمدکجه (ب) نک منفعتی ایچون (ج) ک املاکنی ضبط ومصادره ایتک قابل اوله جفی اثبات ایدیلهمز . مستر (جورج) ورفقاسی ، مستر (هیندمن) و طرفدارانی مسئله نک بتون نتائج منطقیه سی استخراج ایتش اولملری اعتباریله اولجه ضمناً قبول ایدلمکده اولان بو نظریه بوکون آجیقندن آجیغه بیان ایدیلیور . فی الحقیقه بودواته عددی سنهدن سنه یه تزاید ایدن امثال ایله ، افرادده جمعیتک پامال ایده میه جکی هیچ برحق بولندینی تعلیم ایدلش اولوب شمدی ایسه بونلر ، بتون حقوق فردیه یی چیکنه یه رک استادلرینه تقوق ایتک عزمنده بولئورلر .

مسئله نک تا اصلنه ارجاع نظر اولنورسه شو مبجده بیان اولنان خطیئات و سیئات تشریعه نک بیوک بر قسمی ایضاح ولایق اولدقلری تقییح تخفیف ایدیله بیلور . خطیئات مذکوره نک اساس وجذوری جمعیتک محصول صنع بشر اولمق اوزره عد ایدلمسی فکر باطلنده واقع در . حال بوکه جمعیت بر محصول تکاملی در . نه ادوار ماضیه نک نه ده ازمه اخیرمک عرفانی خلقک اکثریت عظیمه سنه جمعیت حقنده بر فکر علمی ویرمکدن عاجز قالمش یعنی آنلره جمعیتک بر بنیه طبیعیه مالک و آنده کی سیاسی ، مذهبی ، صناعی ، تجاری ، الح ، الح ، بالعموم مؤسسات وتشکیلاتک بر برینه کرفت وتابع اولدیفنی والحاصل جمعیتک نوعاً عضوی بر بنیاتی حائز بولندیفنی اوکرمه مشدر . اگرچه بویله بر فکر ظاهرآ انتشار ایتمشده افعال وخط حرکت اوزرنده تأثیری کوریه جک صورتده تعمق ایده مه مشدر . بالعکس جمعیات بشریه بر

آشچی نك پاسته ، بورك الخ كې اشكاله افراغنه صالح بر خیره قیاس ایدیليور . قومونستلر بی پروا بنیان سیاسی نك آرزو ایدیلي شكلی اکتسابه مستعد اولدیغی اتیان و مجلس عمومی نك برچوق مقرراتی ده فلان ویا فلان برقالبه ارجاع ایدلك ایسته نیلن جمعیتك اوشكلی محافظه ایدم جكنه اعتمادی تضمن ایدیور .

جمعیتك بر بنیه عضویه اولدیغی حالده عجین کتله سی کې عدایدیلسی فکر ناصوابندن قطعاً للملاحظه انظار دفته جبراً متعرض حادثات دائمیه خلقك افعال وحرکاتی تغیر و تبدیل خصوصنده در میان اوانان فلان ویا فلان بر اصولك موفق اوله جفته هر کسده بر شبهه او یاندیرمق اقتضا ایدر . تجارب و حیات بیتیه كرك خلقه و كرك قانون واضعارینه انسانلرك افعال وحرکاتی حسابه کیرمیه جکی حقنده هر کون برچوق دلائل عرض ایدر . اركکلكر قادیلرینی تحت ارادتلرنده بولندیرمق فکرندن وازچوب کندیلرینی قادیلرینك اداره سنه بر اقیلر ؛ کاه تکدیر ، کاه تجزیه ، کاه اقناع وکاه ترغیب ایله معامله ایله بی تجربه ایتدکلی چوجقلرنده هیچ بر اصولك تأثیر مطلوبی کوره مز و کندیلرینك خطرناک عد ایتدیکی طرز معامله بی تعقیدن چوجقلرك والدہ سنی منعه قدرتیاب اوله مازلر . خدمتکارلری ایله اولان معامله لری ده بویه در ، آنلره ایستر ملایمانه ایستر غضوبانه تنبیهات ده بولنسونلر تأثیر نادراً تمادی ایدر ودقتسزلک وتمیزلکه عدم اهتمام کې احوالده دائماً طرز معامله دیکشور . بشریتك تفرعاتی ایله معامله ایتیه بی متعسر بولدقلری حالده آنک هیئت کلیه سی ایله معامله ایچون قدرت و قابیلترینه مطمئندلر . بیکده برینی بیسلمدکلی ، یوزده برینی کورمدکلی وقسم کلیسی ، حققرنده پک مشکوک ومبهم افکار صاحبی اولدقلری تمایلات واعتیادات فکریه به سالک صنوفه عائد اهالی وطن کندیلرینك تخمین ایتدکلی طرزده

حرکت ایده جکړنده و کندی مقصدلرینه متابعت ایله جکړنده شبهه ایتمزلر. مقدمات ایله نتایج آرمونده کی تباین ایسه ایضاحدن مستغنی در. بوذوات امور بیتهلرنده کی عدم موفقیتلرینی و یاخود حیات بیتهنک بتون جرائده انطباع وانعکاس ایدن ونصور وتخیلی بیله دشوار اولان متنوع، عدید و وسیع مشوشیت واشتباکنی آزیحق دوشونسلر قانون یامغه پک بیوک براحتیاط وترددله کیریشه جکړی امید اولنور. حال بوکه اعمال قوانینه هرشیدن زیاده برتهالک وچالا کی کوسترلر. دیگر هیچ بریرده وظیفه نک اهمیت وصعوبتی ایله آنی اجرایه تثبث ایلینلرک عجمیلکی آرمونده بوقدر بیوک بر تضاد کورلر. اک غریب اعتقاداتک اغربی، قوندره جیلک کبی برال ایشی ایچون اوزون مدت چراقلقک الزمیتنه قناعت ایدلدیکی حالده هیچ بر چراقلغه وتحصیله محتاج اولمیان یکانه صنعت برملتک قانونلرینی یامق اولدیغه اینانلسیدر. شو بحثک نتایجنی تلخیص ایدرسه ک قانون واضعلرینک اوکنده آچیق وباهر برطاقم اسرار بولندیغنی، ومعامله ایده جکړی ملیونلرجه خلقک باعث سعادتلی اولمازسه فلاکتلرینی تزید وموتلرینی تسریع ایده جک بر جوق قوانین ونظامات وضع ایتک کبی عظیم ومدهش برمسئولیتی درعهده ایدنلره آنلرک خفی ومکتوم اولملری لازم کله جکنی سولمکه حقمر اولمازمی؟

اول امرده، ظاهر وعیان اولسنه رغما کیمسه نک فرقه وارمیدنی غیر قابل انکار برحقیقت وارد؛ بو ایسه بر جمعیتده مشهود اولان حادثاتدن اساسی حیات بشریه فردیده واقع اولمیان هیچ بر حادثه بولننامسی وحیات بشریه فردیه حادثه سنک کولکری ایسه حادثه حیاتیة عمومیه ده مرکوز اولمسی در. کرک جسدی وکرک روحی اولان حادثات مذکورده کی مناسباتک کینی اولمسی قبول ایدیله مدیکه - که

حياتك دوام وتمادیسی آنلرك كیفی اولمسی احتمالی مانعدر - آنلرك محصولاتی اولان حادثاتك ده كیفی و تصادفی اوله میه جقلری نتیجه ضروریه سنه توصل اولنور: بنابرین اجتماع ایتمش افراد انسانیه بوجه اشتراك اجرای تأثیر ایتدكلری زمان اول حادثات ثانویه دن متحصل حادثاتده دخی بر نوع اطراد وانتظام بولنقی طبعیدر. نظام اجتماعی دن متولد حادثاتی تفحص ایتمه مش اولان برکیسه بر جمعیتی تنظیم ایتمه قالدیشمرسه تشبثاتی خطرناك اوله جفنده شبهه یوقدر.

ثانیاً، اصول انی اوزره (a priori) محاکمه دن قطع نظر ایدر ایسه ك مقایسه جماعات دخی واضع قانونه اشون نتیجه یی الزام ایده جكنی كوریرز. تشكلات اجتماعیك فروعاتنه کیریشمز دن اول آنلرك بر تاریخ طبعیلری اولوب اولدیغنی سؤال ایتك وجوبی ظاهر وبوكا جواب ویره بيلمك ایچوند ده اول امرده اك بسیط جمعیاتدن بدأ ایله بنیان وتشكل اجتماعیلرك هانکی جهتلرده یکدیگرینه مشابته ومطابقت ایتدیكنی آكلامق مقتضی در. بویله مقایسه اصلنه مستند اولان بر علم اجتماعك جزئی تبعی تولد جماعته در نظام وانتساقك حکمفرما اولدیغنی کوسترر. یعنی عمومیتله بر ریاست جماعتك موجودیتی و حرب وجدال سابقه سیله نفوذ ریاستك تقرری؛ هر یرده طیب وراهبك مشهود وعین اوصاف اصلیه یی حائز مذهبك موجود اولمسی؛ تا حال بدائی ده آناری کوریلن انقسام اعمالك کیتدکجه بلیرمسی؛ والخاصل حرب هیئات اجتماعیه یی مزج وتوحید ایندکجه سیاسی مذهبی وصناعی برطاقم مؤسسات ظهور ایتسی کبی احوال آنلری مقایسه ایدن برذاته جمعیتلرك خصوصی فرق ومغایرتلرندن صرفاً للظطر طرز تشکل وتتمولرند بر مشابته عمومی بولدیغنی در حال اثبات وارائه ایدر. جمعیات، تشكلات اجتماعیك ارادات فردیه فائق و آنلری بی تأثیر براقه جق ماهیته

قانونلره تابع اولدقلرینی مشعر اوصاف بنویه عرض ایدرلر؛ بو قانونلره مخالفت ایسه فلاکتله توأم اولق ضروریدر.

ثالثاً ده‌ا زیاده شایان عبرت اولان، کرك بزم وکرك ممالك سائرهنك سجل قوانینده کوریلان معلومات سلسله‌سی کلور. هر یرده قراللرك ورجال سیاسیه‌نك تشبثات متنوعه‌سی نیت ایتدکلری ایملکی وجوده کتیره‌مه‌مش و هیچ خاطر و خیاله کلین فناقلرظهورینه سبب اولمشدر. عصرأ بعد عصر موقع فعله قونیلان تداییر اسکیلری وعین اساسه مستند سائر برچوقلری کبی امیدلری بوشه چیقارمش وموجب فلاکت اولمشدر. بتون شو حقائقه رغماً نه متخبلر نه‌ده آنلرك انتخاب ایتدیکی ذوات ادوار ماضیده خلقك اكمال رفاهی مقصیدله موضوع اولدقلری حالده آنلری متضرر ایتمش اولان قوانینك اصول دائره‌سنده تتبی لزومنی عقله بيله کتیرمیورلر. ماضینك ایتحاف ایتدیکی شو تجارب قانونیه وشریعه حقنیده کنیش معلوماتی اولمیانلرك وظائف تشریعیه استحقاق مشارکتلری اوله‌میه‌جفنده شبهه یوقدر. مقدمه‌ده ایراد ایتدیکمز مقایسه‌یه ارجاع بحث ایدره‌ك دیرزکه قانون واضی اشبو صنوف مختلفه حادثاته کسب وقوف ایتمش ویا ایتمه‌مش اولدیغنه کوره اخلاقاً غیر قابل تعذیر ویاخود سزاوار تقییدر. مدید بر تحصیلدن صکره علم منافع الاعضاء، علم الامراض، علم التداوی حقنیده معلومات کافی‌ه حاصل‌ایدن برطیب، تحت‌تداویسنده وفات ایدن مریضدن طولای جزاء مسئول اوله‌ماز؛ چونکه او آدم کندینی اجرای صنعته و سبی درجه‌سنده حاضرله‌مش وانندن کلنی یاممشدر. تدقیقات عمیقه و تنبعات وسیعه‌سنه رغماً وضع ایتدیکی نظامات منفعت یرینه مضرت تولید ایدن واضع قانون دخی غلط حکم‌دن باشقه برشيله اتهام ومسئول ایديله‌مز. بالعکس بر قانونك قبول ویاردی

خصوصنده رأينك نفوذ وتأثيري اولمازدن اول تدقيق ايتمش اولمسی لازمەدن بولسان بو حادثاتدن تماماً بی خبر ویا پك آز خیر اولان وبونكله برابر قانون مذکورك قبولنه معاونت ایدن واضع قانون - اكر بوقانون موت وفلاكتە مصدر اولورسه - عینله ویردیکی دوا مریضی اولدیرن اجزاجی قالفهسی کی ، مستحق عفو اوله ماز.

